









Int 253

W<sup>v</sup> - 126

DE IESU-CHRISTI ECCLESIA  
TRACTATUS.  
PARS SECUNDA,  
CONTINENS EIUS  
ICHNOGRAPHIAM.



THEOLOGICAL

Archiepiscopi Palmyra

THEOLOGICAL

PROCESSIONES, TIBIA PALMYRA, NUMER

CONSERVATION

PROCESSIONES:

DE IESU CHRISTI ECCLESIA

TRACTATUS

PARS SECUNDA

CONSERVATION

ICHOGRAPHIAM

PROCESSIONES, TIBIA PALMYRA, NUMER

PROCESSIONES, TIBIA PALMYRA, NUMER



**FELICIS AMAT**  
**Archiepiscopi Palmyreni,**

AD CIVILIVM ET RELIGIOSARVM OMNIUM  
SOCIETATVM PROCURATORES, INTRA PALMYRÆ RUINAS  
CONGREGATOS,

**MEDITATIONES:**

*Quibus impium Volneii super illis ruinis commen-  
tum funditus evertitur, atque ad Christianæ Re-  
ligionis veritatem ope luminis naturalis aditus  
aperitur.*

---

OPUS POSTHUMVM LATINÈ REDDITVM,

**Ichnographiæ Eccles. Iesuchristi**

EIVSDEM CLARISSIMI AUCTORIS,

PII VERIQUE PHILOSOPHI, PRÆLUDII LOCO HABENDVM,  
ET EX TESTAMENTO IPSIVS EVVLGATVM

A

FELICE TORRES AMAT, ECCL. BARCINON. SACRISTA.

---

**BARCINONE:**  
**TYPIS J. VERDAGUER.**  
1833.

Superiorum permissu.







# INDEX.

PRÆFATIO.....	Pág.	1
1 <i>Volnei somnium ; et quo nefario fine evulgatum.</i>	ibid.	
2 <i>Quid in primo et secundo sui impii libelli capitibus contineatur.</i>		2
3 <i>Quid in tertio usque ad nonum :</i>		3
4 <i>à nono ad duodecesimum usque.</i>		5
5 <i>Ex hoc Volnei somnii aditu, sponte sua quinque gravissimarum quæstionum investigatio nascitur ;</i>		6
6 <i>quæ quidem in prima Meditationum parte declaranda suscipiuntur.</i>		7
7 <i>Quid secunda pars continebit.</i>		8
8 <i>Quidque tertia.</i>		9
MEDITATIONES in generali conventu Procuratorum totius generis humani, super cultum Divinitati debitum, inter Palmyræ ruinas habitæ.		11
9 <i>Omniū humani generis malorum indicatur origo.</i>		ib.
10 <i>Rectam naturalem hominis rationem auscultanti præstò adest vera Religio.</i>		12
INCIPIUNT MEDITATIONES NOCTURNÆQUE DISCUSSIONES . .		14
11 <i>Societatum omnium civilium et religiosarum procuratores universi humani generis Intelligentiam inter Palmyræ ruinas conveniunt : ipsisque statim Genius totius humanæ Intelligentiæ apparet tamquam omnium gratus arbiter et Iudex.</i>		ib.
12 <i>Et primò eum obtestatur Confucius enixèque rogat ut illis ostendat quisnam sit Deus quem ipsi colere debeant, et qua ratione.</i>		15
13 <i>Quidam ex viventibus Huronibus, post Confucium verba facit.</i>		17

- 14 *Supremus Intelligentiæ Genius nonnullas in procuratorum mandatis exigit conditiones ; atque coactam ibi declarat ad deliberandum de Divino cultu catholicam aut generalem humani generis congregationem.* ..... 17
- 15 *Alterum designat Genium qui in eâ Ponentis , Relatoris, et Scribæ aut actuarii munere fungatur.* 20
- 16 *PRIMA NOX. De vi disseritur quam habeat istud axioma : Ego cogito ; ergo sum, ad demonstrandam scilicet Dei existentiam.* ..... 21
- 17 18 19 *Dilucidè et sapienter exposito à Ponente prædicto enthymemate, . . . . .* 22 ad 24
- 20 *Genius præses PRIMAM hanc SANCTIONEM pronuntiat : A rectâ nempè ratione perferri nullo modo posse eam DIVINI NOMINIS depressionem , qua humana intelligentia , cæteræque mundi partes, totidem DEI PARTES esse dicantur. . . .* 25
- 21 *De infinitâ materieî divisibilitate tanquam de primo naturalis rationis mysterio sermo instituitur . . . . .* 27
- 22 *In rerum partitione quæ à Creatore perfici potest , duo distinguuntur infinitarum serierum genera , successivarum , nempè ratione loci et temporis. . . . .* 28
- 23 *Et in diurnâ terræ super suum axem conversione observatur muscam illius superficiæ in hærentem plura decies centena millia linearum spatii conficere , quo tempore materia paucis pollicibus ab axe distans , nec vel millesimam lineæ partem percurrit. . . . .* 29
- 24 *SECUNDA NOX. = SANCTIO SECUNDA : Corpus aut materia nullâ prædita est cognoscendi facultate qua deliberare possit. . . . .* 30
- 25 *TERTIA NOX. Hanc autem veritatem naturalis ratio evidenter agnoscit , esse aut naturam materieî conferens cum intelligentiæ deliberantis naturâ , . . . . .* ib.
- 26 *et ens verum aut reale ab ente rationis aut ficto*


- distinguens* . . . . . 33
- 27 *Denuò de hoc enthymemate disseritur : Ego cogito ; ergo sum* . . . . . 34
- 28 *SANCTIO TERTIA : Perspicuum est fieri nullo modo posse ut Divinitas in æternâ aut infinitâ corporum , aut spirituum , aut entium finitorum et continuatorum serie consistat. Deus Ens est individuum et unicum.* . . . . . 35
- 29 *Monentur procuratores philosophi , ut quo ad creatarum rerum existentiam , tria observent intercedere transitionum immutationumque genera inter existere et non existere.* . . . . . 36
- 30 *Entia , res nempe aut naturas , duplici existendi ratione considerari posse , prout scilicet et in seipsis , aut in intellectu easdem agnoscente existunt ; atque inter rerum in seipsis existentiam et non existentiam medium istud intercedere , posse nempe existere.* . . . . . 38
- 31 *Infinita Intelligentia triplici saltem ratione debet infinitam superare distantiam , quæ non esse inter et esse , aut nihil inter et rem veram interiacet.* . . . . . 39
- 32 *Humana intelligentia , in effingendis rationis entibus efficacissima , nullâ aliâ res veras efficiendi virtute pollet præter eam quam à Deo ipsa recepit , quæque admodum finita est ; et nunc quidem à mutuo pendet inter singulos animos , et propria ipsorum corpora consensu aut influxu physico : quod quidem aliud est ex humanæ intelligentiæ mysteriis , quæ sine dubitatione existunt , sicut et verus Deus.* . . . . . ib.
- 33 *QUARTA NOX. Incredibilis esset amentia inficiari Palmyrenas ruinas non esse illustre quoddam argumentum , quo humanam intelligentiam suam in iis efficacitatem exercuisse conficitur.* . . . . . 42
- 34 *Sed multò quidem furiosior amentia esset infinitam eam Intelligentiam et Potentiam non*

- agnoscere; quæ in universâ naturalium rerum serie effulget; quaque sublata, nec vel una tantum existere glans potuisset, ex qua vel una solummodò quercus oriretur.....* 43
- 35 *SANCTIO QUARTA: Iudex ad propriam pertinere iurisdictionem declaravit suam de re istâ proferre sententiam: Hominibus scilicet ratione utentibus certissimam, sine ullâ dubitatione esse debere Entis naturâ suâ necessariò existentis, infiniti et omnipotentis existentiam.* 45
- 36 *Præceptum Philosophis fuit, ut inter se se de duabus rebus ad animæ cum corpore coniunctionem pertinentibus disceptarent; .....* ib.
- 37 *deque discrimine, quo entia finita et Infinitum, spiritus et corpora, præcipuè verò tria spirituum genera, Deus nempè infinitus Spiritus, genii aut spiritus corpore expertes, animique humani à se invicem distinguuntur. . .* 46
- 38 *Afferuntur microscopia et telescopia; et prisci philosophi adversus recentem philosophiam incandescunt, eò quòd etiam post eorum inventionem nec in maximis rebus nec in minimis Dei infinitatem agnoscant.....* 47
- 39 *QUINTA NOX. Ostendit naturalis ratio, vel unius tantum glandis considerationem sufficere ad agnoscendum verum Deum unicum Ens, actu infinitum, effectorem conditoremque serierum omnium in quas partiuntur species, aut individua infinitarum progressionum in crescendo et decrecendo capacia.....* 49
- 40 *Humano animo sensus et intelligentiam largitur Deus, non quidem ut pabulum ipsius curiositati tribuat atque superbiæ; sed ut se se ad credenda et diligenda quæ sibi ille proponit et ad quæ eundem impellit, docilem constantemque exhibeat.....* 50
- 41 *SANCTIO QUINTA: Hominis animus cum corpore copulatur ratione naturæ, quam illi indidit*



- Deus; quapropter status coniunctionis ipsius cum corpore, naturalis est ipsius status. . . . .* 52
- 42 *SANCTIO SEXTA: Corporeorum sensuum usus exercitatio est hominis animo apprimè naturalis, modò certè iucunda atque suavis, modò verò iniucunda atque molesta. . . . .* 53
- 43 *SANCTIO SEPTIMA: Hominis animus coniunctus corpori facilè violentissimas in sensibus, cæterisque corporis membris affectiones cum à causis aut generalibus naturæ legibus, tum à particularibus causis aut viribus inflictas perpetitur; quæ quidem affectiones eò violentiæ quandoque feruntur, ut animum privent propriæ suæ efficacitatis, aut facultatum usu atque exercitatione, iudicandi scilicet aut comparandi, asserendi aut negandi, amandi aut aversandi. . . . .* ib.
- 44 *SANCTIO OCTAVA: Sapè animus oculos aperit, brachium attollit, passibus aliquot progreditur, quomodò et quando id ipse voluerit, eaque tantùm de causâ quòd ita voluerit: quod appellatur physicâ et verâ libertatè agere: quâ quidem humana intelligentia ratione propriæ naturæ rationalis et deliberativæ prædita est; eaque in omni deliberationis genere est necessariò libera. . . . .* 54
- 45 *SANCTIO NONA: Physicâ hominis libertate inniuntur moraliz ipsius officia. . . . .* 56
- 46 *SANCTIO DECIMA: Humani animi actiones bonæ sunt aut malæ morali bonitate aut malitiâ. . . . .* ib.
- 47 *SANCTIO UNDÈCIMA: Singuli quique animi unâ cum corpore creati ad eum finem pervenient ad quem eos impartita sibi à Deo natura præparat aut dirigit: qui verò animus ad rationis usum pervenerit aut deliberando quidquam effecerit, eidem præmium aut supplicium suis liberis actionibus debitum continget; quamvis aliunde, quod ad animos humanos spectat,*

- infinita misericordia ulterius quàm infinita iustitia protendatur.*..... 56
- 48 *SANCTIO DUODECIMA : Existit hominis animus à corpore seiunctus. Humani animi existentia à corpore non pendet : omnique rei creatæ naturale semper est quod de eâ Creator disposuerit.*..... 57
- 49 *Quomodò istarum Meditationum auctor Volnei deliramenti fallaciisque lumen naturale et invictum ratiocinium opposuit,*..... 59
- 50 *demonstrans Primæ causæ existentiam, animique humani immortalitatem.*..... ib.
- 51 *Quibus duabus veritatibus evanescit totum Volnei commentum,*..... 60
- 52, 53 *ex Dupuissii impiâ et ridiculâ De origine cultuum evulgatâ fabulâ haustum,*.... 61 et 62
- 54 *et critices regulis evidenter contrarium.*.... 63
- 55 *Falso turpique Ecclesiæ Iesu-Christi simulachro à Volneio conficto, opponit auctor veram Ecclesiæ Iesu-Christi Ichnographiam, quæ secunda suarum Meditationum pars esse debebat;* ib.
- 56 *demonstratis antedè in primâ præcipuis naturalis Religionis axiomatibus.*..... 64
- 57 *Sed Dei existentia et immortalitate animorum in clarâ luce positis, occubuit sapiens piusque auctor : qui cætera alia, prævisione quadam proximæ suæ mortis, ex Roselli Ethicâ et Metaphysicâ demonstrari in fine Ichnographiæ ostendit.*..... 65
- 58 *Auctoris christiana humilitas, ardensque veritatis amor.*..... ib.
- 59 *Totius huius operis scopus ab auctore sibi propositus ampliùs declaratur.*..... 67



---

## PRÆFATIO.

---

I PRIUSQUAM primæ istarum *Meditationum* parti finis imponatur, apparebit iam quàm meritò *somnium* appelletur Volneii philosophi scriptum, quod tantâ apud impios homines celebritate insigne reddidit viatoris istius nomen; qui vel in Syriæ solitudine in id studium omne suum tam phreneticâ contentione conferebat, ut incredulitatem et populare regimen in suâ patriâ stabiliret, aut omnia Iesu-Christi altaria Regumque thronos omnes, prius in illâ, deinde verò istius exemplo atque subsidiis in Europâ universâ sus deque convelleret. Nunc verò satis erit ea quæ in præcipuis nefarii sui operis capitibus scripsit, in summam redigere: neque enim aliud opus est ut benè morati homines facili negotio noverint, non id sibi auctorem in eo libro proposuisse ut theoricam aliquam veritatem, aut axioma practicum singulorum hominum utilitati aut optimæ populorum familiarumque concordiae et prosperitati accommodatum, investigaret, ostenderet, suaderet. Contrâ verò libellus ille totus eò collineare videtur, ut physicarum moraliumque veritatum evidentiam obscuret atque confundat, inscitiam

foveat, et quidquid recta hominis ratio gesserit, quidquid eidem ad pravos animi affectus, violentosque effrenium motuum impetus coërcendos, temperandos, corrigendosque vires addiderit, despectioni subiiciat.

2 In duobus primis capitibus, pulcherrimis quidem coloribus eum depingit statum, in quo eremum illam et vastas solitudines, famosasque *Palmyrae* ruinas invenit. Civitatis istius commercio deditae opulentiam observat in horridum squalorem conversam, in ferarum antra Regum palatia, in immundorum anguium domicilia deorum templa. *En quomodo tandem pereunt, prosequitur, mortalium opera, suoque à culmine ruunt imperia et nationes!* Continuo verò quamplurimos memorat celebres populos qui deserta loca illa incoluerunt; Damasci nempè, Idumææ, Hierosolymæ, Samariæ Imperia, bellicosas Philistæorum gentes, et negotiationi studentes Phœniciorum Republicas. *Desolatam, inquit, hanc regionem peragravi, nihilque in ipsa inveni aliud præter vastitatem et solitudinem. Proh Deus immortalis! Quid quæso rei est cur tam funestæ eversiones acciderint?* Deinde verò statim animadvertit, perbeatè vixisse regionis illius incolas, cum scilicet humanas victimas diis mactarent Phœnicii, se se ante draconem Chaldaei prosternerent, et ignem Persæ divinis honoribus prosequerentur. Nunc verò cum hic idem terrarum tractus à Mahometi sectatore, Christiano, atque Iudæo, populis nempè credulis, incolitur; in eo quidem multà cum anxietate ho-



mo semina terræ committit, nihilque aliud præter lacrymas metit atque angustias, ingruentia scilicet undique mala, bellum, famem, pestilensque contagium. Tunc sibi in memoriam rediit patria sua Gallia, quam cum rebus omnibus, agrorum cultu et ubertate, viarum amplitudine, civitatum opulentia, commercii magnitudine, navigationis celeritate, monumentorum gloria, artium, industriæque progressu florentissimam reliquisset; futurum esse verebatur ne sicut in Asia contigerat, ita etiam in Europâ populorum splendor omnis atque prosperitas in squalorem et solitudinem verterentur. *O infelicem hominem!* gravissimo dolore oppressus exclamat: *cæci casus ludibrio res tuæ subduntur. Funesta quædam necessitas eventu fortuito mortalium rebus præest. Veruntamen non, non ita quidem. Decreta sunt hæc Divinæ cuiusdam iustitiæ, quæ suum ad exitum perducere conspicimus. Deus aliquis tenebroso obvolutus mysterio iudicia sua exequitur, nunquam certè nobis comprehendenda. Quis audeat Altissimi arcana perscrutari?*

3 In tertio capite se se ipsius oculis offert divinum quoddam *Spectrum*, quod hisce verbis eum alloqui cæpit: *Quousque tandem homo COELOS iniustis suis querimoniis fatigabit? Quousque tamquam suarum calamitatum causam FORTUNAM arguet? Tuncque mortales ad ipsius Naturæ tribunal adesse iubens, ostendendum suscipit querimonias illas nihil esse aliud quàm iniustos falsæ cuiusdam sapientiæ fictæque pietatis clamores, quibus homo Naturam calum-*

*niatur aut eius Auctorem; dum motuum Solis ac cæterorum cælestium siderum, marium, ventorumque naturalem cursum, ex quo pluviae roesque oriuntur, conservat, quin unquam Deus primarum constantemque à se ipso Naturæ præscriptum ordinem immutaverit. Asseveravit Philosophus se se nunquam rationis vocem statim ac ipsam perceperit, neglexisse; quin potius se ardenti cognoscendæ veritatis cupiditate flagrare. Spectrum verò illud se naturæ Genium esse declaravit; eique se conspiciendam veritatem, dissipatis ipsius præiudiciis, exhibiturum pollicitum fuit. Quamobrem eum subito arripiens, unico volatu ipsum ad superiores cæli transtulit regiones; unde ei tellurem ostendit eo ferè aspectu, quo Luna ex illâ in eclipseos obscuritate, ope telescopiorum observata, nostris oculis exhibetur. Tunc aciem oculorum in ipso acuens, in antiquâ Ægypto, cæterisque regionibus quas circumspiciebat, præteritæ magnitudinis ipsarum reliquias *Palmyrenis ruinis* similes ei monstravit. Atque inde ipse *Genius* confecit, frustra hominem in rerum universitate occultas, extraneasque suarum calamitatum causas investigare; cum ipse *naturalibus* regatur *legibus*, quæ nunquam à præscripto ordine aberrantes, communis bonorum malorumque omnium sunt et origo et fons. Itaque si homo rerum quibus circumdatur, suamque propriam naturam animo complectatur; tunc quidem probe suæ sortis agnoscet agitantes et malorum suorum causas, quænamque ipsis remedia possint adhiberi, intelliget.*

Naturam ipse Genius POTENTIAM ORDINANTEM appellat, quæ leges iis similes quibus mundi physici motus subduntur, ad regendum hominem sanxit: leges inquam, quæ rerum omnium quæ in *ordine morali* contigerunt, simplex sunt simul et sæcundum principium.

Deinde verò ad considerandum primævum hominis statum progreditur. Eundem tam spiritu quàm corpore nudum sibi animo fingit, orbem, ab *ignotâ Potentiâ* quæ ipsum in lucem edidit derelictum, cæteris animantibus similem, quique nullum alium, præter naturæ effectus, ducem sequatur. Ex hisce principiis, hominumque huc illuc vagantium necessitatibus, originem suam ducunt societates: quarum ope homo propriâ suâ virtute se se ad illud usque extulit incredibile fortunæ culmen, quod in regione omni humanitatis genere excultâ nostros ob oculos obversatur, si illam cum eo statu conferamus in quo, priusquam ab hominis intelligentiâ excoletur atque perpoliretur, arboribus tantum, herbis, et feris horrida squalibat. Ex societatibus autem quamplurima exorta sunt mala, quæ necessarias et diversas, quæ postea inventæ sunt, regiminis formas legesque reddiderunt.

4 Post novem indicata capita, consequuntur alia duo in quibus de generalibus causis disseritur, quibus priscorum populorum prosperitas, eorumque conversiones atque ruinæ adscribuntur; et in capite duodecimo nonnulla ex præteritis temporibus afferuntur excerpta documenta, quæ nostris hisce temporibus renovata conspeximus. In duodecim

verò primis designatis capitibus, quæ tamquam operis totius vestibulum haberi possunt, diversas observare facili negotio licet maximi quidem ponderis et certitudinis veritates super naturâ aut *esse* tam illius quæ homini vitam infudit *ignotæ Potentiæ*, quàm hominis ipsius, quatenus iste propriæ suæ sortis arbiter est, subiectamque arbitrio suo propriam habet fortunam, aut proximam bonorum malorumque suorum causam. Verumtamen in assertiones evidenter falsas passim incurritur, aut veras amentias, falsis permixtas luminibus vividæ perversæque phantasïæ, qua nihil certè ad pestilentes humani cordis halitus ferocissimis corruptissimisque moribus excitandos accommodatius.

5 Quæ igitur in primo hoc Volnei libri aditu afferuntur, sponte suâ desiderium excitant investigandi :

I<sup>o</sup> Utrùm ignotus Deus, qui homini suum ipsius *esse* largitus fuit, res sit aut *Ens* naturâ suâ necessariò existens, omnipotens, hominis et universi mundi conditor; an verò nullus alius præter materiam ipsam existat Deus, nullaue alia præter humanam belluinamque *intelligentia*.

II<sup>o</sup> Utrùm homo in agendo necessitate feratur instar ignis urentis, aut saxi eum super quem decedit opprimentis; an verò contrâ causa sit libera, quæ in quamplurimis suis actionibus illud quod voluerit exequatur, quodque exequi noluerit prætermittat, idque eâ de causâ, eâ ratione et eo tempore quibus ita voluerit.



III<sup>o</sup> Utrùm Deus, qui hominis arbitrio omnia ipsius bona et mala reliquit, illum naturalis rationis aut *intellectus lumine* interiùs alloquatur; numque aliquoties nonnullos aut plures homines, aut populum aliquem aut nationem extraordinariâ ratione, aut externis vocibus, sicut homines secum invicem loqui solent, fuerit allocutus.

IV<sup>o</sup> Utrùm homo suis liberis actionibus, quæ modò bonæ, modò malæ sunt, præmio vel supplicio dignus evadat; numque Deus sit qui priùs leges, deinde verò præmia aut supplicia illi iniungat.

V<sup>o</sup> Utrùm homo solâ suâ libertate satis virium habeat, quibus bonos vel malos habitus, virtutes nempè induat et vitia, malos autem emendet aut saltem refrenet, bonosque perficiat.

6 Itaque in primâ *Meditationum* istarum parte naturalem humani animi auscultabimus *Intelligentiam*, dum ipsas inter Palmyræ ruinas in generali aut catholico religioso universi generis humani cœtu, has similesque alias quæstiones, malis remedium quæsitura, naturalibus autem et supernis hominis bonis cumulum adhibitura, perpendet atque definiet. Quo quidem examine evidentissimè Deum *ens* esse seu *rem* ita naturæ suæ necessitate existentem conficietur, ut non existere nunquam potuerit numquamque possit; ipsius verò intelligentiam, potestatem, libertatemque suæ naturæ esse æquè necessarias et infinitas; eum denique rerum omnium, quæ sint, quæ fuerint, et quæ venturæ sequentur, à se seipso distinctæ, creatorem esse et effectorem. Atque inde etiam certis-

simum perspicuumque esse non dissimili ratione consequitur, Deum hominis animum suæ intelligentiæ, suæque libertatis participem condidisse; et hinc diversa moralia officia, quibus homo sibi à Deo maiora vel minora aut præmia aut supplicia promeretur, scaturire. Ex quibus omnibus aliisque similibus, quæ totidem quidem sunt axiomata aut prima principia, aut necessariae ipsorum consecutiones, multiplici ratione conficitur Divinam providentiam iustitiamque, tam quod ad hominum animos attinet, quàm ad lapides, cæterasque res in materiâ aut corpore consistentes, non generalibus iis legibus quibus Deus *physicæ* ipsarum naturæ prospicit coërceri, sed potius ad unumquemque ex hominum animis consilia sua singillatim extendere; ipsum non physicis dumtaxat legibus, sed moralibus etiam officiis, iubentibus nempe et vetantibus legibus regere, quibus voluntas constringitur; Deum verò postea ipsos animos præmiis afficere aut suppliciis, quæ infinitæ misericordiæ, infinitæque simul illius iustitiæ adamussim respondeant, quamvis aliunde misericordia ulterius longiusque præ iustitiâ Divinorum consiliorum fines protendat.

7 Indicatarum quæstionum discussioni nonnullæ in fine primæ partis istarum *Meditationum* adiiicientur magni ponderis consecutiones, ex sanctionibus quas hisce de rebus dictaverit *recta ratio* derivatæ. Postea verò *Meditationum* aut contemplationum consequetur secunda pars: cuius quidem ordo quadam serie distinguetur nocturnarum auditionum, quas *genera-*

*lis intelligentiæ Genius*, catholicæ universi humani generis congregationis rogationi indulgens, in silenti illo theatro aut tribunali aperiet, ut *militantis Ecclesiæ Ichnographia*, aut ædificii super Divi Petri confessionem à Divino architecto Iesu-Christo erecti adumbratio, perpendatur. Atque ex hoc quidem examine illud futurum esse consequetur, ut in hac Divini istius ædificii adumbratione quamplurima lineamenta formæque sublimiores emineant, quæ perfectissima quæque et pulcherrima cuiuscumque socialis ædificii, quod solo naturæ lumine aut ipsius notionibus, solisque naturalibus viribus, efficacitate aut impulsu erectum fuerit, ornamenta longo superent intervallo. Verùm inter ea omnia quæ naturalis intelligentiæ acies in *Ecclesiæ militantis Ichnographiâ* potest distinguere, nullam profectò lineam, nullum angulum, punctum nullum ex iis quæ à Divino architecto ducta aut descripta fuerunt animadverti licet, quod non ad amussim normamque exactum sit *rectæ rationis*, quam Natura ipsa aut eiusdem Auctor in socialibus ædificiis construendis, ad eorum perennitatem unitatemque firmandam, cavendamque fissuram scissionemque omnem quæ constructionis finem impediat, tamquam necessariam regulam sibi proposuit.

8 *Meditationum* istarum tertiam partem efficere poterunt illæ, quæ in *naturalis intelligentiæ* consideratione versantur : in quibus nempe præ oculis Divina habebitur *revelatio*, ut duplici hoc luminum notionumque genere densissimæ fugentur præsti-

giarum nebulæ, quas adversùs christianam Religionem suo in somnio congeffit Volneius; illius principia aut doctrinas cum aliis aliarum pauciorum vel plurium religionum permiscens, quæ quidem nihil aliud sunt quàm dolosa commenta hominum, seu potiùs diabolicæ fraudes eâ de causâ inventæ, ut quos christiana Ecclesia in falsis religionibus vehementiùs detestatur, eidem adscribantur errores et crimina; catholicæ verò romanæ Ecclesiæ tribuantur ii quos hæc eadem in aliis aversatur quæ ab ipsâ recesserunt christianis ecclesiis; quodque fortasse magis est lamentabile, ut Iesu-Christi veri Dei verique hominis crucifixi doctrinæ criminosi illi assignentur abusus, quos *triplex concupiscentia* quibusdam temporibus, perque certa loca plùs minùsve induxit et propagavit, perque populos etiam catholicos quorum fideles, utpote ex Adamo prognati, dum mortalem hanc vitam degunt nunquam non sunt infirmitatibus à peccato originali exortis obnoxii.

---



---

## MEDITATIONES

IN GENERALI CONVENTU PROCURATORUM TOTIUS GENERIS HUMANI, SUPER CULTUM DIVINITATI DEBITUM, INTER PALMYRÆ RUINAS HABITÆ.

---

9 SI famosus viator, qui titulo *Meditationum super Palmyræ ruinis* somnium nobis enarravit, eâ nocte sibi incussum qua inter ipsas accubuit, somno prætulisset vigiliam, qua illam et nonnullas alias noctes, ut decebat philosophum, ruinarum à se diurno tempore perlustratarum meditationi impendisset, suosque oculos sustulisset ad stellatum cælum, quod sibi in amplissimo vastæ solitudinis illius horizonte obversabatur; deinde verò diversos diversarum gentium, ætatum aut ærarum, regionum, et morum, congestos acervos, quos sine dubitatione ei exhibebat vivida et fœcunda ipsius phantasia, perpendisset: certissimum fore à nobis ostenditur, ut omnem eam multitudinem ab Adamo oriundam, *triplicique* subiectam *concupiscentiæ* inveniret; atque ita subtiliora humanæ rationis inventa cum cimmeriis ignorantiae errorumque tenebris, et præclarissima quæ-

que generositatis et beneficentiæ gesta cum incredibile feritatis, barbariæque criminibus et morum horribili perversitate, quæ in silvestres feras cadere possit, permixta intueretur. Quin et in nationibus omnium maximè industriis, quæque artium perfectione, scientiarum gloriâ, commerciique amplitudine cæteris antecellerent, cum tot tantisque humanæ rationis prodigiis coniunctos simul reperisset quos ipsa maximè detestatur excessus atque perversitates.

10 Verùm si Volneius in suis Meditationibus aliquas ad id designasset noctes ut ætates omnes diversarum nationum, quarum vestigia nonnulla in ruinis illis impressa extabant, ad *rectæ rationis* tribunal adduxisset, quo tempore eas omnes *triplicis concupiscentiæ* dominationi, cui propter Adami peccatum obnoxia perstitit natura humana, subiectas invenisset; si eas, inquam, ante illud ipsum tribunal coëgisset occultam religionem quam omnes plùs minùsve profitebantur declarare, unam certè inter has reperisset quæ et naturâ suâ distingueretur à cæteris omnibus, et ex quacumque terrarum orbis regione tanquam in alto monte conspicua facili negotio cerneretur atque agnosceretur. Tunc gentium ex diversis ætatibus et regionibus maxima pars, statim ante *rectam rationem* se se nullam aliam Religionem aut *Dei cultum*, quàm ab ipsâ maioribus suis aut vicinioribus ipsorum ætati populis traditum, admittere declarasset. Has verò gentes omnes ab erroribus suis abduxisset *recta ratio* incredibilia eis-

dem ostendens præstigiarum portenta, quibus et sui ipsarum progenitores, et illæ ipsæ delusæ fuissent, dum scilicet *rectæ rationis* dictamini eadem quæ ab ipsa severius damnabantur adscriberent. Generatim autem hisce rationibus addidisset, in omnibus scilicet sublimioribus naturalis luminis humani inventis, quæ ad Divinum cultum pertineant, immensum quoddam vacuum spatium reperiri ab infinitâ distantia proveniens Deum inter et hominem; cuius naturalis intelligentia et voluntas, licet quædam sint Divinæ mentis imago aut communicatio, eas tamen evidenter cognoscitur nullo modo posse ad sublimem notionem quam intellectus humanus de Ente Divino, deque debitis ipsi amore et veneratione habere potest, inveniendam pervenire. Ad id enim ostendit *recta ratio* luminum opus esse quæ homini proximè infundantur ab ipso Ente Divino, ita ut istud illum eâ ferè ratione alloquatur, qua homines se se invicem alloqui solent.

Et re quidem verà diversi in Palmyræ ruinis designati populi se sisterent, qui se se non ab humano ingenio, nec à Regibus, nec à Philosophis; sed à Deo tantum, qui nonnullos sapientes aut principes homines allocutus fuerat docueratque, quam profitebantur Religionem proximè hausisse prædicarent. Et hi quidem omnes unam simul proferebant de re istâ sententiam illâ veritate innixam; Deum scilicet illum qui suam ipsorum Religionem revelaverat, *nec decipere homines, nec decipi posse*: cui rationi alia quidem addebant particularia argu-

menta, quibus re verâ à se se receptam ex Deo eam Religionem conficiebant. Verùm cum eò tandem pervenit *recta ratio ut eventum* factæ à Deo revelationis perpendat, nullam inter cæteras omnes, præter unam christianam super D. Petri confessione stabilitam, eidem fas est invenire Religionem, quæ ad extorquendam rei tam extraordinariæ fidem vel ullam verisimilitudinis aut probabilis rationis umbram præ se ferre videatur.

INCIPIUNT MEDITATIONES NOCTURNÆQUE

DISCUSSIONES.

II FERÈ in medio vastæ, desertissimæque solitudinis spatio quæ Assyriam inter et Euphratem et Persiæ confinia interiacet, quæque olim assiduo maximoque negotiatorum è Sinarum Indorumque regionibus in Europam commeantium concursu celebrabatur, frequentissima simul et locupletissima suum attollebat caput civitas illa princeps, quæ imperante Zenobiâ à Romanis eversa quingentis et mille abhinc annis in ingentem ruderum acervum non sine stupore mutata conspicitur; ad quam modò nonnulli dumtaxat accedunt sapientes ex Europâ viatores, miranda monumenta quæ ex magnificis eius aquæductibus, porticibus, et templis superfuerunt, quæque nunc *Palmyrenarum ruinarum* nomine insigniuntur, invisuri. Iacebat in terrâ amplissimum capitellum ex quadam earum ingentium columnarum de-



cisum, quarum scapi ex totidem magnitudinis incredibilis confecti solidis saxis maximâ etiam nunc admiratione sapientes afficiunt; qui certè, nec quibus ex lapidinis tanti ponderis moles excissæ, nec unde, nec quibus machinis erutæ, atque eum in locum translatae fuerint, definire huc usque potuerunt. In eo igitur sedens conspiciendum se se præbuit gravissimus quidam vir, qui philosophico indutus pallio universi *humani generis intelligentiam*, rectamve qua hominis animus instruitur naturalem rationem præ se ferre videbatur. Eò igitur innumeri convenerunt à civilibus universi terrarum orbis societatibus, philosophorum familiis, et religiosis cultibus extra ordinem missi legati: quorum duo, senior nempe et junior, ad eum pro cæteris omnibus verba facturi accesserunt.

12 Atque in istam ferè sententiam primus eum allocutus fuit Confucius: « Luminis claritate, qua  
« nos à te ipso perfundimur, omnes terrarum orbis  
« populi aut nationes colendum à nobis Deum facili quidem negotio novimus. Verùm cum singuli  
« tuo isti lumini privatarum inventionum, cupiditatumque deliramenta sufficiamus; quem sibi quisque  
« fingit Deum, illum et omnium optimum, et unicum esse arbitratur. Quamobrem tot tantisque dissidiis et perturbationibus, quas diversæ cultûs Divini rationes invexerunt defatigati, unde maximæ  
« semper molestiarum moles diversis ex eadem familiâ aut ex eodem populo hominibus acciderunt,  
« sæpè etiam cruenta et incredibili immanitate et

« barbarie plena bella, aut inter dissidentes eiusdem  
« nationis partes aut inter finitimos populos exorta  
« sunt; oportere unanimi consensu existimavimus,  
« ut ad accipienda sine strepitu clara tuæ vocis ora-  
« cula procul à cultis populis recederemus, iis præ-  
« sertim qui cæteris sapientiæ gloriâ præstare sibi  
« videntur, quosque cum insolens ista de se ipsis  
« existinatio, et maximè superbos et alienæ laudis  
« invidos reddat, eosdem suspectos nobis efficit, si-  
« mulque in eos qui ad ipsorum sententiam non  
« adhærescunt crudeliores. Quamobrem in vastam  
« hanc desertamque solitudinem aut singuli aut  
« duo philosophi, politici, et sacerdotes conveni-  
« mus, ex iis doctoribus, magistratibus, sive ministris  
« electi, qui in singulis quibusque insignioribus phi-  
« losophiæ sectis aut litteratorum hominum societa-  
« tibus, aut in nationum rebuspublicis, aut in di-  
« versis cæteribus cultui Divinitatis intentis emineant.  
« Huc igitur nos omnes eâ spe adducti accessimus,  
« fore scilicet ut aliquod fortè per hæc loca voli-  
« tans se se nobis offerat aut numen, aut umbra,  
« aut animus, aut spiritus, aut genius, qui de Reli-  
« gione, aut de Supremi Numinis cultu ad tranquil-  
« litatem orbis terrarum magis accommodato nos  
« certiores efficiat. Equidem nostrum istud consi-  
« lium à te speciali quadam benevolentia inditum  
« nobis exhibitumque arbitramur: qua de causa  
« procuratorio nomine te cum mandato rogaturi  
« accedimus, ut tamquam universi humani generis

« arbiter apertam de Religione, sive de verâ Dei  
« colendi ratione, feras sententiam ».

13 Vix finem dicendi fecit Confucius, ita eiusdem socius prosecutus fuit: « Ego verò ex septentrionali-  
« bus Americæ plagis huc usque veni; in Huronum  
« patriâ natus, quos scilicet semper magnus Spiritus  
« seu *Genius* allocutus fuit, et nunc etiam ita allo-  
« quitur: *Vos ergo nunc ut me agnoscatis, et ametis,*  
« *mihique serviatis incumbite; mei verò est muneris*  
« *perficere, ut mecum postea ineffabili meâ beatitu-*  
« *dine perfruamini* (Videantur *Lex deux genres de*  
« *Philosophiæ*. Bayonne 1822 pag. 12). Ad nostra-  
« tes igitur aliæ nationes quæ sapientiores viden-  
« tur, quæque nos silvestres aut barbaros homines  
« appellare consueverunt, quemdam modò intruse-  
« runt librum variostrarum regionum sermone  
« typis mandatum, in quo nobis exhibetur inaudita  
« quædam Religio, cuius præcipuæ de vitæ ratione  
« à nobis tenendâ notiones ut modò beatè vivere,  
« post obitum verò ampliorem beatitudinem obti-  
« nere possimus, maximè consentaneæ illi viden-  
« tur doctrinæ quam nostri parentes, maioresque,  
« tamquam à magno nostro Genio, quem rerum  
« omnium creatorem auctoremve nominant, deriva-  
« tam nobis tradiderunt. Huc igitur cum iisdem  
« mandatis ac cæteri omnes accessimus ».

14 Quibus è simplici suo throno venerandus Se-  
nior in hæc ferè verba respondit: « Omnes quidem  
« homines ubicumque et locorum et temporum suas  
« actiones exigere ad inditum eisdem à *recta ratio-*

« ne lumen ita iubentur, ut cum ipse Genius sim  
« primus scilicet illius interpretes, eisdem possim in  
« omnibus, quæ luminis ipsius ambitu continentur,  
« propriâ legitimi iudicis auctoritate imperare. Verum  
« cum libenter *rectæ rationis* nomine generalem hanc  
« quæstionem, quam civiles omnes et religiosæ et  
« philosophicæ societates illius subiecerunt arbitrio,  
« definiendam suscipiam, tres eisdem statuam ma-  
« ximè necessarias condiciones oportet ».

« Et prima quidem conditio in eo consistit, ut  
« de Religione seu Divino cultu non nisi inter eos  
« homines qui rectâ ratione uti noverint sermo in-  
« stituatur. Quamobrem non disputando insumen-  
« dum tempus cum garrulis iis hominibus qui de  
« omni quacunque re dubitare amant: neque cum  
« aliis qui hominem suis in actibus non libero  
« arbitrio uti contendunt; sed in rebus omnibus,  
« aut necessitate, aut impulsione, aut inevitabili  
« propriæ suæ naturæ aut alieno instinctu ductum,  
« se se gerere instar ferè lapidis suo pondere deci-  
« dentis, aut plantæ humorem aquæ qua irriga-  
« tur absorbentis, et eâ ratione qua aves, pisces,  
« et belluæ propriæ conservationi suæ vitæ, suis-  
« que viribus perficiendis, propagandæque suæ spe-  
« ciei operam navant. Qui verò homines non se  
« libertate præditos arbitrantur, aut qui non aliâ de  
« causâ suos animos intelligentiâ præstare belluis  
« sibi fingunt, nisi quia nonnullis corporum sensi-  
« bus perfectioribus quàm belluæ instructi sunt;  
« ii quidem ad vitam cum rudentibus, latrantibus,



« canentibus aut ululantibus bestiis agendam pro-  
 « pellendi sunt: neque verò ad eorum qui loquun-  
 « tur societatem admittendi; nisi fortè ipsos medi-  
 « cis tradi oportere existimetur cùm ægrotare cor-  
 « pore, aut iudiciis sive carcerum custodibus  
 « cùm animi pravitate cæteris hominibus noxiâ labo-  
 « rare videantur. Verùm quocumque modo se res ha-  
 « beat, semper ii in ægrotantium amentiumque  
 « hospitio recipiantur oportet, ut cùm sine dubita-  
 « tione saltem aliquâ ex parte mente capti exis-  
 « tant, aut medicamentis, aut suppliciis, aut utrâ-  
 « que re simul ab amentia suâ revocentur: re enim  
 « **verâ amentes sunt** ».

« Altera quæ iniungitur conditio ita se habet:  
 « Vestris scilicet in mandatis id declaretur necesse  
 « est, ut qua ratione in Deo colendo non modò  
 « cives aut subiecti homines erga imperantes sibi  
 « auctoritates et erga se invicem; imò et supremæ  
 « singulæ liberæ auctoritates erga sibi subditos ci-  
 « ves, quin et erga cæteras supremas liberasque po-  
 « testates se se gerere debeant, pronuntiare possim.

« Tertia verò conditio hæc est: *Recta* nempè  
 « *ratio* declarat se se eandem prorsus doctrinam  
 « universalem in toto terrarum orbe, quam in iudi-  
 « ciis à se ipsâ huc in istâ solitudine faciendis huc  
 « usque tradidisse, nunc etiam tradere semper-  
 « que tradituram: quo fiet ut ubique temporum,  
 « gentiumque, et in omnibus rerum adiunctis, qua  
 « ratione eam ipsam doctrinam futuris eventibus ac-  
 « commodare debeant, agnoscant ii omnes qui ma-

« iori contentione veritatis amorem ducem sequan-  
 « tur, et omnia adiuncta æquâ rationis ipsius lance  
 « perpendant ».

15 Hic conticuit *Genius*; subitòque ad infimos gra-  
 dus quibus ad thronum ascendebatur, alter adstetit  
*Genius*, qui mediâ ætate virum pallio indutum phi-  
 losophico præ se ferebat. Qui cùm se profundâ  
 adhibitâ veneratione ante Seniores stitisset: « En  
 « vobis, inquit iste, *Ponentem* congregationis ca-  
 « tholicæ aut universalis totius humani generis,  
 « de Divino cultu deliberaturæ. Idem ipse *Relato-*  
 « *ris* simul et *Actuarii* fungetur officio, qui fe-  
 « rendas in iudiciis nostris sententias litteris man-  
 « det. Nunc verò ad vos de rebus in iis pertractan-  
 « dis referet ». Hæc ubi primus *Genius* protulit ver-  
 ba, evanuit. Alter verò ita fuit societatum pro-  
 curatores allocutus: « Singulis quibusque noctibus  
 « horâ duodecimâ aperietur iudicium: in quo non-  
 « nulli priùs agentur conventus prævii, in quibus  
 « aliqua præiudicia, postulata, aut principia, quæ  
 « tamquam præcipuæ sententiæ fundamenta statuan-  
 « tur, recta ratio ordine servato consignet. Tunc verò  
 scriptam legit præcipuarum rerum discutiendarum  
 seriem, quam proximæ columnæ infixit, id præmo-  
 nens ut statim inter procuratores omnes duo gene-  
 rales, alter ex remotioribus seculis, alter verò ex hac  
 nostrâ ætate, *Relatorem* aut *Ponentem* informaturi  
 seligerentur; atque ita suam orationem conclusit:  
 « Hodiernâ duodecimâ noctis horâ primus agetur con-  
 « ventus ». Mox designatis duobus illis procuratoribus,

eisdemque unâ cum Relatore permanentibus, cæteri diem illum de rebus in serie columnæ infixâ comprehensis generatim disserendo et sermocinando maximâ cum iucunditate transegerunt.

16 *Prima nox.* Iam ante magnificum capitellum procuratores convenerant, cùm in medio noctis silentio lumini exiguo, quo cælum in vastâ illâ solitudine maximè serenum splendet, subitò accessit altissima quædam claræ lucis columna; et tunc senior Genius in suo throno, et Relator aut Ponens ad illius pedes se se conspicuos præbuerunt. Atque hic quidem hisce verbis disputationis initium fecit: « Quæ nunc in isto conventu res pertractanda proponitur, in vi aut efficacitate consistit Cartesiani illius celeberrimi iuxta ac brevissimi enthymematis *Ego cogito; ergo sum*: ita ut enthymema istud velut axiomata consideretur aut primum principium quo ignoti Dei existentia demonstratur ». In medium etiam protulit quæcumque de huiusmodi argumentatione disseruerant prisci philosophi, quantâ vi Cartesius ipsam proposuit, quàm gravibus commentationibus eam illustrarunt posterioribus his seculis nonnulli philosophi recentiores; quin et ortas ex ignarâ curiositate, aut ex stultâ superbiâ declaravit angustias, quibus plures Divini cultûs servandique inter mortales optimi ordinis hostes ipsam oppugnaverunt.

En igitur quod ex totâ declaratione maximè attentos auditorum omnium animos fecit. « *Ista argumentatio*, inquiebat Relator, *Ego cogito* »



« *ergo sum*, eodem prorsus modo se habet ac ista al-  
 « tera *Ego cogito aut dissero*; *ergo sum aut existo*:  
 « *ergo* nihili aut possibilitatis fines prætergressus  
 « *sum*, iamque intra rerum verè existentium ambi-  
 « tum consisto. In hac propositione *Ego cogito*,  
 « pronomen *ego* non quidem *ens rationis* aut rem  
 « tantum mente excogitatam, non animi nudam  
 « conceptionem significat; nisi enim animus existe-  
 « ret, confingere omninò non posset. Quod igitur in  
 « propositione istà *Ego cogito*, pronomine *ego* de-  
 « signatur, ens verum est, ens reverà existens, res  
 « quædam vera, quædam si ita loqui licet realitas;  
 « quam existere tam perspicuè mente conspicio, ac  
 « Solem meridianum cælo sereno corporis oculis  
 « cerno. Eâdem evidentiâ tam in somni quiete quàm  
 « in statu vigiliæ, tam in silentio et otio quàm dum  
 « loquor, curro, scribo, aut pugno, eundem omni-  
 « nò hominem me esse agnosco. Ens sum quod si-  
 « ne intermissione immutatur, quodque inter con-  
 « tinuas immutationes semper idem omninò perse-  
 « verat. Sum equidem nunc aut existo eadem illa  
 « res quæ duabus abhinc horis eram aut existebam,  
 « eadem hodie quæ heri, eadem hoc anno quæ  
 « præterito, eadem in senectute quæ in adolescen-  
 « tiâ et pueritiâ, quæque eram in meo ortu cum  
 « in lucem è matris utero editus fui.

17 « Ex quo neque me semper extitisse, neque  
 « me ipsum effecisse consequitur, sed *causæ* alicu-  
 « ius esse effectum. Mei fortè parentes *causæ* esse  
 « efficientes dicentur cur ego sim id quod reverà



" sum; quemadmodum causa est ignis cur lignum  
 " in carbonem resolvatur, et sicut cinis effectum  
 " quoddam est quod ex carbonibus ab igne educi-  
 " tur, aut eâ ratione qua horologium effectum  
 " quoddam est cuius causa est opifex, sicut et su-  
 " tor calcei. Verum ex his omnibus quæ modò ad-  
 " duxi, virum et scæminam causas non esse confi-  
 " citur quæ solæ perficere id potuerint quod ipse  
 " sum, quodque hac voce *ego* in istâ propositione  
 " exprimitur *Ego cogito*: neque enim ignis combu-  
 " reret, nec opifex et sutor horologia calceosque  
 " efficerent, nisi prima existeret causa quæ igni et  
 " cæteris corporeis causis *efficacitatem* et vires ad  
 " agendum et producendum, homini verò priùs  
 " *intelligentiam* indidisset, qua plures cùm proprias  
 " tum alienas vires ad obtinendos propositos sibi  
 " fines adhiberet».

18 " Illud verò præ cæteris animadvertendum,  
 " illud ens aut eum hominem qui dicit *Ego co-*  
 " *gito*, ad eandem omninò speciem atque ipsius  
 " parentes ac cæteros progenitores pertinere. Pro-  
 " genitorum seriem, qui præsentibus antecesserunt pa-  
 " rentes, interminatam aut infinitam esse posse  
 " lumine naturali agnoscitur, dummodò extra illam  
 " posita *causa infinita* credatur, quæ infinità vigens  
 " potestate, et necessariò naturâ suâ existens, et  
 " principio atque fine omninò carens, è totâ suâ  
 " æternitate creando perseveret, resque omnes à  
 " se in universâ naturâ creatas conservet; ita ut in  
 " rebus quæ multis antea seculis fuerint, in iis

« quæ venturæ multò postea sequantur, sicut et  
 « in illis quæ modò existunt aliquid semper effi-  
 « cit. Causa inquam, quæ eàdem virtute perficit ut  
 « Sol, quamvis toties decies centies mille leucarum  
 « spatio à nobis distet, uno simul eodemque tem-  
 « poris momento suum in nos lumen effundat,  
 « atque effusum nostris oculis intueamur ».

19 « Quicumque ineffabili DEI nomine *Ens* intelli-  
 « gat quod suâ ipsius naturâ necessariò existit,  
 « quodque nunquam omninò non extitisse potuit,  
 « et neque modò non existere non potest; quam-  
 « vis qua ratione Deus agit ignoret, sufficientem  
 « nihilominùs in eo causam agnoscit, quæ ex nihi-  
 « lo mundum educere ab æternitate potuerit, aut  
 « cur mundus, si ita Deo placuisset, sicut modò ab  
 « initio temporis existit, ab æternitate extitisset.  
 « Verùm nisi priùs DEUM causam infinitam, simpli-  
 « cissimam, omnipotentem et æternam crediderimus,  
 « fieri nullâ ratione omninò potest ut homines,  
 « animantia, arbores, plantas, metalla, rem ullam  
 « existere concipiamus; nisi fortè satius esse duxeri-  
 « mus DEUM illum æternum, ævo perpetuum, vi et  
 « efficacitate infinitum, nihil esse aliud quàm mun-  
 « dus, quàm ipsa rerum universitas, quàm tota na-  
 « tura, aut ipsa ex corporeis rebus coagmentata  
 « congeries simul et ex spiritalibus, spiritibus nem-  
 « pe, *energiis* ut ita dicam aut animis, qui prout  
 « plùs minùsve spirituales extiterint, maiori aut  
 « minori intelligendi virtute polleant: quo fiat ut  
 « homo propter perfectiorem sensuum conditionem,

«qua suas actiones et cognoscit et variat, quaque  
«cæteris animantibus et plantis antecellit, una sit  
«aut Dei aut totius universi nobilior pars, aut  
«certè omnium nobilissima.

20 Atque ita quidem disserebat Relator *Genius*,  
cùm subitò ipsum è suo throno hisce verbis interpellavit Senior : « Sufficiat, inquit ; scribe : PRIMA  
«SANCTIO. *Recta naturalis hominis ratio tolerare non*  
«*potest eòusque ineffabile DEI nomen deduci et par-*  
«*vipendi, ut ipsa hominis intelligentia DEUS, DEI*  
«*verò PARTES cæteræ totius universi res et spiritus et*  
«*corpora esse credantur* ». Cogitans homo, interiori  
«splendentique intellectûs sui lumine de cogitatio-  
«nis suæ veritate, aut existentia ut ita dicam,  
«convictus existat necesse est : quo fit ut facili ne-  
«gotio certò et indubitatè Deum cognoscat existe-  
«re, qui omni prorsùs materie concretione immu-  
«nis, neque ullâ materie indigens, è nihilo educere  
«tam hominis *intelligentiam*, quàm eam qua existit  
«naturam potuerit. Eodem splendenti lumine intùs  
«animo sine ullâ dubitatione cognoscit homo, suam  
«ipsius intelligentiam, aut *rem eam quæ in ipso*  
«*intelligit* è nihilo reverà prodiisse : illud enim ego  
«quod modò cogitat, nunc reverà est cùm antea  
«non esset, nunc reverà existit cùm antea non  
«existeret ».

«Verùm quamvis naturalis rationis lumine, cau-  
«sam sive *rem* infinità potestate vigentem, quæque  
«naturæ suæ necessitate existat, aliquid è nihilo  
«perficere posse demonstretur ; non tamen eo ipso

«satis apertè causa illa seu *res* infinita declaratur, ut  
«certum possit de hac quæstione iudicium ferri,  
«num scilicet creatio, qua è nihilo universa rerum  
«natura educta est, æternitatis infinitate par Deo  
«existat, an inceperit postea. Quamobrem utrùm  
«mundus iam ab æterno extiterit an existere ince-  
«perit, in controversiam adducere philosophos rec-  
«ta ratio sinit: verùm nullà prorsus ratione eisdem  
«permitti potest ut Deum, quasi esset ipse mun-  
«dus, ex corporum nempè et spirituum coagmen-  
«tatione hominis instar concretum exhibeant. Quam-  
«obrem recta ratio civiles omnes societates longè  
«à se proiicere litteratos eos homines iubet, qui eò  
«arrogantiæ devenerunt, *ut se se ipsius Dei esse*  
«*partes* arbitrentur. Ita desipientes aut mente cap-  
«ti huiusmodi homines sunt, ut morte suus ipso-  
«rum animus aut intellectus tantùm in Divinitatis  
«oceanum sibi regressurus videatur; quemadmo-  
«dum cum mari iterum commisceretur aqua ea  
«qua implerentur variæ ex vitro aut crystallo la-  
«gunculæ, cùm in mare proiectæ interque undas  
«propriis cuiusque motibus versatæ, mutuà tan-  
«dem ipsarum collisione, aut alienis ictibus aut  
«impulsionibus confringerentur. Qui quidem tam  
«ferinà naturà homines singulari quadam qua  
«præditi sunt ingenii acie, quemadmodum corni-  
«bus tauri, unguibus tigres leonesque instructi sunt,  
«cùm effrenatam abiecto Dei mortisque metu vi-  
«tam instar ferarum agant, non possunt non infen-  
«sissimi esse publicæ tranquillitatis perturbatores.



« Verùm in rudibus ignarisque hominibus huius-  
« modi, licèt tam absurdi, errores tolerari quodam  
« modo possunt, dummodò ipsorum perversus usus  
« nullum publicæ paci, populorum familiarumque  
« felicitati detrimentum asferre videatur ».

Ita quidem sanctionem istam dictaverat princeps  
*Genius*, eamque protinùs Relator altâ voce legit, et  
proximæ quæ stabat affixit columnæ, cui cæteræ post-  
modum ordine suo sanctiones affixæ sunt. In supe-  
riori verò throni gradu nonnulla animadvertit ex-  
tare documenta, quæ ad cæterarum noctium dis-  
putationes pertinebant, quarum hæc erat nocte  
proximè secutura proponenda : *An scilicet corpus  
aut materia ita cognoscendi facultate prædita sit,  
ut deliberare possit.* Quæ ubi enuntiata fuit, tam  
lucis columna quàm duo illi Genii subito eva-  
nuerunt.

21 Illuxit statim dies : tuncque procuratores pro-  
ximæ deliberationis monitum scriptum invenerunt  
in quodam papyri folio, quod à summo ferè usque  
deorsum in duas divisum æquales partes, eas in  
superiori tantum extremitate sibi invicem iunctas  
retinebat ; in quarum summo hæc legebantur scri-  
pta : « Duæ istæ medietates æquali extensione, proin-  
deque pari individuorum punctorum partiumve  
numero constare concipiuntur. Eodem etiam mo-  
do concipitur, in unaquaque istarum partium si  
ultima utriusque partitio in individuis punctis con-  
sistit, certum esse definitumque punctorum nume-  
rum : quæ quidem partitio nisi effecta intelligatur,

eam poterit *Ens* infinitum unico temporis momento perficere. Contrà verò si in singulis medietatum divisionibus, earum unaquæque pari ratione in duas dividi potest medietates, quæ in duas etiam alias secari valeant; inde confici necessariò debet Deum, quamvis ab æterno mundum condidisset, nullàque intermissione istud papyri folium in duas medietates, istarum alteram in duas alias, et ita deinceps dividendo perseverasset; nunc tandem post innumera quæ huc usque præterierunt momenta temporis eò venturum, ut quamlibet medietatem in duas partes denuò posset singulis quibusque momentis dividere, quarum singulæ aliis atque aliis in posterum infinitis partitionibus essent obnoxia. Atque id aliud quidem est ex corporeæ naturæ arcanis, quibus evidenter ostenditur quàm arctis limitibus hominis definiatur intelligentia ».

22 Varia de re istâ commentaria legebantur : ex quibus illud præsertim commemoratione dignum habetur, in quo humana ratio facili negotio capere asseveratur, quomodò fieri possit ut tam in universa per loca aut per spatium extensione materiæ, quàm in successione partium temporis, aliqua existat infinita partitionum sibi invicem succedentium series; dummodò extra lineam illam quæ, si ve seiunctis si ve continuis quantitibus constare concipiatur, infinitè divisibilis fingitur, aliquod extare *Ens* et simplicitate et potentiâ et totâ simul existendi ratione infinitum præstituatur, quodque absque ullâ sui ipsius mutatione semper eodem modo

res divisibiles creando et servando, tum innovando, aut denuò pereuntium rerum naturam perficiendo, ex totà aeternitate perseveret. Ita ut res omnes, quamvis priùs reverà non existerent, postea verò per aliquod extiterint temporis intervallum, ac tandem esse desierint; sicut etiam dum sunt aut existunt, sive nunc in uno loco consistent sive mox in alium transferantur, semper Deo ante oculos, ut ita dicam, obversantur, semperque veri sunt effectus, Deus verò prima istorum causa.

23 Muscæ volatus aut motus in terræ superficie, cum eà materiei portione conferebatur, ex qua axis super quem diurno motu globus iste circumvolvitur, conflatus sit: qui quidem ita circa centrum concipiatur, ut ipsius axis diameter unius tantùm pollicis æquet mensuram; proindeque circulus quem superior istius diametri extremitas circuitu diurno describit, triginta et sex lineis concludatur. Ex qua quidem comparatione consequitur calamus quo hæc scribuntur quamvis ipse extra æquatorem moveatur, tamen per infinitè divisibile spatium decies centies mille saltem pollices conficere: qui quidem eo ipso temporis intervallo dividuntur, quo axis in indicatâ superiùs distantia nondum minimum intermediæ lineæ spatium percucurrit. Perspicuum enim est, tam axis lineas quæ uno duntaxat pollice, quàm calamus seu muscæ crus quod mille leucis aut plus à centro distant, unam tantùm diurno viginti quatuor horarum spatio conversionem conficere.

24 *Secunda nox.* Multum quidem sermonem protrahere nocte illà Relatori permisit Genius qui thronum occupabat; ipseque variis de rebus, prout inciderent, diversarum nationum, sectarum philosophiæ, cultumque ad distinctas mundi ætates pertinentium procuratores solebat interrogare. Sed tandem ita suam SECUNDAM SANCTIONEM dictavit: « *Ostendit*  
 « *recta ratio deliberare nihil esse aliud, quàm ex iis*  
 « *quæ possunt fieri et non fieri unum eligere: hancque*  
 « *electionem actum esse quemdam ordinis physici,*  
 « *naturalis aut reverà existentis; quamvis eidem aut*  
 « *possit aut debeat adiungi ordo moralis, propo-*  
 « *tus nempè in electione sive cum imperio sive cum*  
 « *consilio aliquis finis. Nam deliberatio non à nu-*  
 « *dà impulsione aut instinctu tamquam à suà causâ*  
 « *originem potest ducere; sed ab electione aut*  
 « *actu liberi arbitrii impulsum aut istius admis-*  
 « *sionem iubentis oriatur necesse est. Quamobrem*  
 « *corpus aut materia nullo prorsus modo facul-*  
 « *tate cognoscendi necessariâ ad deliberandum vige-*  
 « *re potest* ». Hic siluit Genius. Relator verò sanctionem legit, eamque affixit; adiiciens, ipsam in cœtu qui proximâ nocte celebraretur, fusiùs declaratâ eâ quæ inter extensionem materiæ et necessariam intellectûs cognitioni unionem intercedit oppositione, confirmandam.

25 *Tertia nox.* Dimisso secundo cœtu, documenta tertiæ noctis disputationi destinata procura-

tores pervoluntarunt; vehementerque eorum commovit animos hæc quæ in illis scripta erat assertio: «Quisquis deliberat intelligendi facultate præditus necessariò esse debet; qui scilicet uno eodemque temporis momento res duas à se invicem diversas, easque veluti diversas agnoscat. Præterea ipsius arbitrio duæ impulsiones subditæ sint oportet aut ipsas amplexandi potestas; impulsio nempe quæ versùs unam ex duabus illis rebus, et altera quæ alteram versùs tendat. Ex quo conficitur *corpus aut materiam non eò usque facultate cognoscendi pollere ut deliberare possit*. Nam materia suà ipsius naturà, aut ex intimà suà constitutione, semper successionem præ se fert loci aut spatii extensioni, temporisque successioni respondentem. Quamobrem si ea in indivisibilia puncta tandem dividitur seu resolvitur, eorum nulli illa inesse poterit unitas aut unio quæ ad actum quemcumque deliberationis necessaria prorsùs habetur; cum in eo duæ res intellectæ aut cognitæ quæ eligendæ exhibentur secum invicem coniungi debeant: duæ inquam notiones aut imagines quibus representantur singulæ duæ res illæ; duæ intelligendi et eligendi efficacitates aut vires, et duæ intellectio- nis electionisque actiones. Perspicuum enim est, fieri nullo modo posse ut in nullo indivisibili puncto, res duæ, quæ à se invicem seiunctæ iam fuerint, simul reperiantur. Pari etiam ratione, si res vel parumper consideretur, in materie, quamvis non ex punctis tantum individuis, sed ex parti-



«bus infinitè divisibilibus constans ponatur, eli-  
 «gendi facultatem aut deliberantem intelligentiam  
 «inveniri non posse conspicietur. Duarum enim il-  
 «larum rerum, notionum actionumve coniunctio  
 «aut ipsarum inter se se comparatio, non quidem  
 «cùm in rem unam divisibilem concreverint fieri  
 «debet; sed cùm seiunctæ, duarum rerum nume-  
 «rum quæ uniuntur perficiunt ».

26 « Ut verò res ista, quæ maioris quidem mo-  
 «menti est quàm primo intuitu videatur, clariùs  
 «elucescat, non abs re erit hæc quæ sequuntur in  
 «summâ adiiicere. Humanus intellectus facili nego-  
 «tio lumen et in Sole et in Terrâ, uno eodemque  
 «temporis momento contemplatur; illud simul eo-  
 «demque mentis actu cognoscit: utque ipsius lumi-  
 «nis motum etiam agnoscat, satis est si animo sibi  
 «fingat idem lumen quod temporis momento *A*  
 «in Sole reperitur, iam momento *B* in oculo suo  
 «consistere. Verùm mentis conceptiones, aut quæ  
 «*rationis entia* nuncupari solent, haudquaquam  
 «cum rebus veris, reverâ existentibus, naturalibus  
 «aut physicis confundi licet. Hæc verò ex lumine  
 «sumpta comparatio, illi quæso comparationi ac-  
 «commodetur, quæ inter temporis spatium quo or-  
 «bis terrestris axis circa diurni sui circuitus cen-  
 «trum lineam unam percurrendo conficeret, et inter  
 «motum quo eodem tempore meus calamus aut  
 «musca in terræ superficie iuxta æquatorem per plu-  
 «ra decies centena millia linearum circumferretur.  
 «Cùm verò certo certius sit unum ex muscæ cru-

ribus, ex tanto linearum numero quas per illud  
 spatium percurrento confecit, duas distinctas si-  
 mul et eodem temporis momento occupare non  
 potuisse; inde evidenter consequitur quampluri-  
 ma illa momenta quibus axis centro proximus  
 unam tantum spatii lineam percucurrit, totidem  
 partibus *non iam divisis*, sed quæ omnes singulæ-  
 que alia post aliam infinite *dividi possent*, res-  
 pondere.

Simplici istâ comparatione, si tota ipsius vis pe-  
 nitus consideretur, perspicuum lit nullum prorsus  
 per spatii extensionem neque temporis successio-  
 ne intercedente motum accidere posse, quin ali-  
 quod sit Ens naturâ suâ necessariò existens, quod  
 semper fuerit, quodque nullâ prorsus ratione po-  
 tuerit non existere; Ens scilicet, quod infinitâ po-  
 tentiâ, intellectu et libertate vigeat, quibus im-  
 mensam distantiam inter *nihilum*, aut *non esse*  
 et *esse*, quo creatæ res omnes sive naturæ sint  
 aut ipsarum modi, sive perpetuæ sive perituræ  
 existant, intercedentem, superare valeat. Nam si-  
 ne ullâ dubitatione infinita est ea distantia, quæ  
 inter id quod reverâ existit, atque id quod *ens*  
*rationis* appellare amant interiacet; ens scilicet  
 illud quod sibi noster intellectus fingit, quodque  
 nullum *esse* aliud habet aut naturam, quàm eam  
 quæ ipsi ab intellectûs fingentis cognitione tribui-  
 tur. Ita quidem se habet quem sibi Apuleius ani-  
 mo finxit *Asinus aureus*, qui licet existere pos-  
 sit nihil tamen reverâ est, neque à nihilo distin-

«guitur: quasi diceret Deum illum è nihilo edu-  
«cendo, eundem creare posse».

27 Scriptam etiam in commentario aliam animad-  
versionem invenerunt procuratores quæ ad præce-  
dentis noctis disputationem pertinebat, quæque  
hisce verbis efferebatur: «Cartesius suam persecutus  
«demonstrationem, ex posito principio *Ego cogito*,  
«statim primam consecutionem istam eduxit: *Exis-*  
«*tit igitur Deus aut CAUSA PRIMA efficiens et æterna*,  
«*quæ initium existendi parentibus dedit, à qui-*  
«*bus ipse deinceps procreatus fuit*. Simili etiam  
«ratione ex hac propositione *Ego meis oculis*  
«*lumen Solis conspicio*; aut ex hac *Ego pedibus*  
«*meis incedo*, hanc alteram infert tam perspicuè no-  
«tam quàm Solis meridiana lux, aut motus quo ipse  
«incedit; videlicet: Ergo ego, aut id quod pron-  
«mine ego exprimitur, quoddam est ex duabus par-  
«tibus à se invicem maximè distinctis ita composi-  
«tum, ut in eo corpus simul et anima continean-  
«tur: corpus scilicet quod spatium occupet, quod  
«de uno ad alium locum transeat, quodque sensi-  
«bus quibus videt et audit instructum, quibus-  
«dam cognitionibus polleat; et animus intelligendi  
«facultate præditus, aut quædam intelligentia, effi-  
«cacitas, potentia aut vis, quæ possit *entia rationis*  
«effingere, eadem prout sibi placuerit copulare aut  
«à se invicem seiungere, res alias cum aliis compa-  
«rare, et quasdam generales notiones ex aliis sen-  
«sibilibus singularibus abstrahere. Præterea meus  
«animus eam vim habet, qua ex quibusdam verita-

« tibus lumine interioris intelligentiæ rationis cog-  
 « tis, aut clarâ sensuum luce perspicuis, plures alias eli-  
 « cere possit quæ in prioribus continentur, quasque  
 « ab istis seiungere potest aut distinguere. Nihil verò  
 « à corpore nostro præstari valet ex iis quæ potest nos-  
 « ter animus : neque quod iste intellectûs humani  
 « aut *rectæ rationis* lumine potest efficere, id ipsum  
 « potest efficere eo lumine aut iis notionibus ideis-  
 « ve quas ope sensuum perficit aut acquirit. Itaque  
 « observationum ope, quæ superiori huic cogno-  
 « scendi facultati suam originem debent, eò usque  
 « progreditur naturalis hominis ratio, ut certas in-  
 « dubiasque stabiliat regulas quibus verum à falso,  
 « certum ab incerto secernat, atque à suæ propriæ  
 « existentiae cæterarumque rerum creatarum cogni-  
 « tione ad verum Deum agnoscendum erigatur».

28 Ut verò ad mediam noctem ventum est, non-  
 nulla quæ duabus superioribus noctibus dicta et  
 observata fuerant in memoriam *Ponens* revocavit;  
 statimque *Senior* TERTIAM SANCTIONEM hisce verbis  
 pronuntiavit: *Evidentissimè recta ratione agnoscitur*  
*fieri omninò non posse, ut DIVINITAS in æternâ quadam*  
*et infinitâ consistat serie corporum, aut simplicium et*  
*materiæ carentium spirituum, quorum singuli quoad*  
*proprium suum esse aut particularem existentiam et*  
*quoad suos motus et actiones esse incipiant aut desi-*  
*nant; utque præter tot rerum quæ limitibus definiun-*  
*tur sibi que invicem succedunt infinitam seriem, INFINI-*  
*TAS alia atque æternitas nulla existat. DIVINITAS aut*  
*verus Deus res est individua aut unica: res, quæ cum*

*semper immota perseveret, omnium cuiusque generis motuum, omniumque individuarum rerum infinitarum quæ unaquaque specie continentur, prima est causa movens. Quin et ipse PRIMA est omnium quorumcumque effectuum CAUSA EFFICIENS, omniumque cæterarum causarum, quibus ipsa efficacitatem quâ unâ secum proprios suos effectus proferant, sive ut dicunt causæ sint COEFFICIENTES, impartitur. Est primum quidem ens NECESSARIUM, quod nempe naturæ suæ necessitate existit: et est cæterarum omnium rerum, sive necessarie nuncupari soleant sive contingentes, et origo et fons; cum earum omnium ortus et conservatio et universim et singillatim semper à liberâ PRIMÆ ENTIS voluntate repetenda sint. Est etiam Deus aut Divinitas, EXS infinitè sapiens, potens, liberum et æternum, quod omnia effecit creavitque, omnia conservat et regit, et suam cuique rei naturam, aut proprias efficacitates, potentias et vires largitur, ita ut quicquid Deus in creatis rebus efficiat constitutive, nullâ prorsus ratione eis repugnans aut ipsarum naturæ contrarium esse possit.*

29 Promulgatâ affixâque sanctione, scholarum philosophiæ cum priscarum tum recentiorum procuratores iussit Senior præses diem in disputando et sermocinando insumere de nonnullis rebus quibus tres superiores sanctiones imitebantur, quibusque postea fulciendæ essent præcipuæ quæ sequerentur. Hanc verò inter alias expositionem Relator eisdem tradidit: • Hac simplici ratione ego cognosco; existo



*igitur*, perspicuè et sine ullà dubitatione cognoscit homo quilibet se se eo temporis momento cognoscere; cognoscere inquam tam sensuum testimonio belluarum instar, cùm ope superioris cuiusdam intelligentiæ, qua belluas præditas esse non evidenter apparet. Hac eadem perspicuitate agnoscit se se *modò* cognoscere, antea verò non cognovisse; se se *modò* existere, cùm antea non existeret: in se ipso quoddam reperiri totum quod immutatur assiduè, licèt idem perpetuò perseveret, eique novas quasdam adiici partes prout ipsum sensim destruitur: se nunc in uno, postea verò in altero, nunquam autem simul eodem temporis momento in duobus à se invicem disiunctis locis consistere; neque ab uno in alterum ex duobus locis nisi traiecto quod interiacet spatio, neque demum ab uno ad aliud temporis punctum nisi per interpositas temporis partes transferri: ita ut nisi amens sit, dubitare non potest quin tam ipse quàm ceteri homines, belluæ, plantæ, quæcumque denique in rerum universitate existunt, res sint aut entia, in quibus tres reverà transitus aut notabiles contingunt mutationes; ex quibus una in transitu consistit à non existentia ad existentiam; altera in transitu à non positione ipsius in hoc definito loco cùm in alio quocumque existat, ad eiusdem positionem in primo cùm secundum reliquerit; tertia demum in transitu ipsius ad existentiam quæ nunc aut hoc temporis puncto contingit, cum non priùs extiterit; aut etiam à non existentia eiusdem

hoc eodem temporis puncto, cum prius extiterit, postea verò iterum ad existentiam transeat.

3o «Facili quidem negotio novit hominis intellectus res, entia, aut naturas duplici posse ratione considerari: quatenus scilicet *res* sunt, naturæ, aut res veræ et existentes, aut quatenus entia sunt quæ tantum in intellectu eadem cognoscente existunt; aut sicuti loqui mos est quatenus sunt non *entia realia*, sed mera tantum *rationis entia*. Hancque partitionem obiter animadvertendum non rebus tantum consistentibus aut naturis, sed fugacibus etiam earum accidentibus et modis congruere: ut in omnibus quæ ab Aristotelicis, Platoniciis, cæterisque philosophorum scholis distinguuntur entis prædicamentis, *entia* inveniantur *realia*, quæ scilicet in seipsis aut existant aut possint existere, et etiam rationis entia, quæ eà solâ ratione entia aut res existentes vocari solent, quatenus cognoscuntur; cum tamen aliunde neque intus in intellectu, neque extra ipsum, ullum verum *esse* veramque alicuius rei naturam obtineant, neque hoc sensu quidquam sint aliud quam merum *nihil*, nullo scilicet modo sint. Illud verò consideretur oportet, inter has notiones, *esse* videlicet aut *existere* et *non esse* aut *non existere*, facili ratione ab humano intellectu concipi aliam intermediam quæ ex eo quòd res quæcumque existere possit desumitur: quo fit ut philosophi res non existentes inter possibles et impossibiles partiri consueverint; deque possibili- bus id asseverare soleamus, ut licet earum existen-

tia *realis* non sit, *realis* tamen sit eorum essentia aut natura, eâ potissimum de causâ quod cum existat Ens infinitum aut alia Intelligentia humanâ infinitè superior, natura possibilis existens in se ipsâ futura sit, quotiescunque Deo aut infinitæ Intelligentiæ illam ex nihilo suæ existentiae, in quo perseverante possibilitatis statu consistit, ad existentiae lumen revocare placuerit ».

31 « Obiter autem observemus oportet tribus saltem diversis rationibus infinitam inter *esse* et *non esse*, aut nihil inter et rem veram, interiacentem distantiam à Deo seu ab infinitâ Intelligentiâ debere superari : quibus nempe fiat, ut res ipsa ex eo statu in quo possibilis est aut futura, ad existentiae statum transferatur ; ut res in definito quodam loco certove temporis momento existens, in eo ipso loco momentoque existere desinat, aut ad eum statum transeat in quo nec in eo loco aut temporis puncto existat ; ut denique res non certo in loco certove temporis puncto existens, ad existentiam in eo ipso loco temporisve momento obtinendam adducatur. Qui quidem tres sunt transitus à non esse ad esse, aut ab eo statu in quo res aliquid reverâ est ad nihilum ; tres scilicet transitus infinitæ distantiae, quæ non nisi ab Intelligentiâ infinitâ potestate præditâ superari potest ».

32 « Quamquam verò novisse videantur philosophi primum motorem primamve causam, ex se se aut ex suâ naturâ *intelligentem* esse debere, aut *intelligentiam* primum futuram cuiuscunque rei et

operationis aut motûs fontem aut originem : ipsi tamen de arctissimis *humanæ intelligentiæ* limitibus conqueri solent ; aut qui magnificentius eiusdem vires aut efficacitatem extollunt, res quidem paucissimas easdemque veras aut naturales in medium afferunt, quæ nostræ intelligentiæ effectus esse videantur. Est equidem rationalis animi vis aut intelligentia in moliendis aëreis arcibus, aut in effingendis rationis entibus efficacissima simul et fœcundissima. Nam si hominis intelligentia eà qua viget Deus efficacitate polleret, qua nempe rebus à se ipso cognitis existentiam, *realitatem*, aut veram entium rationem præbere posset ; una dumtaxat matutina meditationis hora satis superque nobis esset ut pulcherrimis ædificiis urbibusque vastissimos terrarum tractus, egregiis statuis earum plateas omnes et vias, gemmis, cælatis operibus, miniatis signis, cæterisque exquisiti operis artificiiis promptuaria amplissima repleremus. At verò nostra intelligentia non nisi iis notionibus aut imaginibus *esse* verum aut reale tribuit quibus res ab eadem excogitatae exhibentur, puris scilicet rationis *entibus*, quin rebus exhibitis ullum esse reale tribuat : eas nimirum in mero nihili statu relinquit, absque ullâ aliâ rerum verè existentium ratione, præter eam quæ à nobis concipitur in cognitione finitæ intelligentiæ : quæ quidem ipsa cum è nihilo educta in lucem fuerit, nullam prorsus neque ad existendum, neque ad agendum efficacitatem quam non ab alio receperit, habere potest.

“Aliunde neminem quidem esse crediderim, qui humanæ intelligentiæ, tamquam proprios ipsi effectus, varios adscribat humanos actus, quibus parentes humanæ speciei propagationi, singuli verò homines suæ vitæ conservationi incumbunt : ad quos quidem edendos effectus suo conspirat influxu rationalis animus vi portentosissimi illius *mysterii*, quod nobis in mutuo consensu animi et corporis cuiusque hominis naturali lumine rationis exhibetur : suo inquam conspirat influxu, qui sanè licèt densissimis tenebris, naturali intelligentiæ nostræ aciei omninò imperviis, immersus lateat, re tamen verà existit; idemque non minùs de Intelligentiæ infinitè potentis et efficacis existentiâ nos efficit certiores, quàm illa naturalia duo *mysteria* quæ de infinità divisibilitate et materiei per universum spatium diffusæ et temporis per intervalla excurrentis nostros ob oculos obversantur. Quamobrem ii philosophi qui eò adducuntur audaciæ, ut præter spiritualium creaturarum aut corporearum seriem, nullam *rem* asseverent esse intelligentem, aut non esse Intelligentiam æternam, quæ cum infinità potentiâ prædita sit et immota perseveret, universa quæ existunt, sunt et agunt, existentiâ, efficacitate aut existendi agendique virtute donaverit, donandoque perpetuò prosequatur; ii inquam philosophi, quamam rogo probabili ratione exponent, quodnam id esse possit impulsionei genus quod et corpus spiritui, aut spiritus corpori possit imprimere? Qui fieri potuisse concipient, ut in totâ infinità rerum



serie ipsarum ulla inceperit operatio, cùm in earum singulis ab initio interiecta *nihilum* inter et *esse* infinita distantia superanda supersit? Quomodò localis motus absque motore prorsùs immoto, qui illum perfecerit, accidere potuit? Quomodò quæ res ab alià existentiam acceperit, ea in *dandà existentia* prima extiterit? Quomodò tandem res ulla quæ existentiam non acceperit, quin ipsam ex se se aut ex proprià suà naturà possideat eandem habere unquam potuerit?»

33 *Quarta nox.* Nimio quidem æstu in disputando excandescere visi fuerunt philosophicarum scholarum procuratores; idque etiam animadverti licuit, eos qui ferventiùs aut etiam furiosius dissecebant nonnullos esse philosophos qui ex Divini cultûs ministris aut ex potestatum civilium procuratoribus in medium certamen prosilierant. Sed cùm iam demum in mediam noctem ventum fuisset, apertâ conventûs sessione, et commemoratis à Relatore quæstionibus in quas antecedens desierat expositio, ita iste est prosecutus: « Equidem sol-  
« vendis huiusmodi quæstionibus commodior lo-  
« cus nullus eligi poterat, quàm famosæ Palmyrenæ  
« ruinae, ubi in mediâ scilicet vastissimâ solitu-  
« dine nunc mortalibus inhospitâ, humanæ intel-  
« ligentiæ portenta, quæ ad ætates et loca à se in-  
« vicem longè dissita pertineant, admiranda nostris  
« oculis exhibentur. Si quis nostrum id fortè con-  
« tenderet, in his scilicet columnis quæ plurimis

« abhinc seculis, à lapidicinis unde erutæ fuerant,  
 « huc usque tam vario artificiorum, machinarum et  
 « instrumentorum genere quæ omnia humanæ in-  
 « telligentiae inventa extiterint, advectæ, elaboratæ,  
 « perpolitæ, erectæ; in tantâ cælatorum numisma-  
 « tum copiâ quæ per universum terrarum orbem  
 « sparsa sunt; in iis imaginibus virorum illustrium,  
 « quæ miræ firmitatis lapidibus exhibentur incisæ  
 « tamquam totidem potestatis ipsorum aut sapien-  
 « tiæ monumenta; et in tot denique tantisque aliis  
 « humanæ industriæ memorandis inventis, quæ  
 « pedibus nostris calcamus, quæque tanta avidita-  
 « te in ruderibus atque ruinis quibus obvoluta ia-  
 « cent inquirimus, nullum prorsus præcedentis hu-  
 « manæ intelligentiæ argumentum, nec nisi fortui-  
 « ti casûs, pluviarum, ventorum aut naturæ legum,  
 « quibus materia obtemperet, effecta inveniri; si  
 « quis inquam istâ ratione dissereret, nonne ipsum  
 « in amentem hominem evasisse iure meritò dicere-  
 « mus? Equidem iure meritò.

34 « Verum ulterius progrediamur, rogemusque  
 « an sibi invicem succedentium hominum, planta-  
 « rum, arborumque operationes, quas in universâ  
 « corporeâ naturâ animadvertimus, ita fortuitorum  
 « eventuum effecta esse potuerint, ut quæ ipsas  
 « in suo cursu dirigat ad perfectamque maturitatem  
 « adducat, nulla prorsus necessariò interesse debeat  
 « humanâ infinite superior Intelligentiâ? Nisi quæ-  
 « dam existat Intelligentiâ quæ primævæ glandi aut  
 « quercui incredibilem efficacitatem indiderit, can-

« demque tam in illà , quàm cæteris in querebus  
 « aut glandibus succedentibus sartam tectamque  
 « servet ; qui quæso fieri potuit , ut ex unà tantùm  
 « glande insensibilis suâ exiguitate planta erum-  
 « peret , quæ postea in procera magnitudinis quer-  
 « cum evadens , innumeras quibus infiniti mundi  
 « repleri possent glandes produceret ? Nisi aliqua  
 « sit POTESTAS OMNIPOTENS quæ perpetuò *nihilum* in-  
 « ter et *existentiam* cùm totius quercûs , tum singu-  
 « lorum ipsius ramorum , frondium , glandium in-  
 « teriectam vincat infinitam distantiam ; quomodò  
 « vel una tantùm accidere potuit ex innumeris mu-  
 « tationibus aut motibus , quibus unumquodque ex  
 « infinitis *totis* , singulæque istorum partes à se in-  
 « vicem sensim divisæ , ab *esse* ad *non esse* , aut à  
 « *non esse* ad *esse* transierunt , interque res in de-  
 « signatis et locis et temporibus existentes consti-  
 « terunt ?

« Facili quidém negotio recta ostendit ratio Deum ,  
 « aut veram DIVINITATEM , primum esse motorem im-  
 « motum , qui nihil amittat aut adquirat denuò , ne-  
 « que dum res ipsas primâ creatione educit ex nihi-  
 « lo , neque dum res iam creatas singulis quibusque  
 « temporis momentis singulisque spatii punctis ita  
 « adiungit , ut simul cum ipso aut causæ sint , aut  
 « mera dumtaxat instrumenta . Omnia planè non nisi  
 « magnis assiduisque rerum effectarum immutationi-  
 « bus contingunt , quæ aut in suâ ipsarum *naturâ* aut  
 « esse , et in *accidentibus* aut habitibus , actionibus  
 « aut moribus sive constantibus sive transeuntibus

« fiant ; quin tamen ipsi Creatori ulla vel minima  
 « cuiuscumque generis accidat immutatio ».

35 Cum finem dicendi fecisset Ponens, ita locutus est Senior: « Non equidem arbitri, sed in re meæ  
 « iurisdictioni subiecta iudicis functurus officio, ita IN  
 « QUARTA SANCTIONE pronuntio : *Naturalem scilicet*  
 « *intellectus humani rationem, dum suo lumine non*  
 « *mente captis hominibus propriam ipsorum, aliorum*  
 « *hominum, cæterarumque rerum quæ mutationi par-*  
 « *titionique subiiciuntur, existentiam declarat, ad id*  
 « *etiam illos constringere, ut certissimum habeant*  
 « *nihil earum omnium rerum posse existere, quin*  
 « *aliqua prius existat res intelligens, ex propria sua*  
 « *natura existens, quæ infinita sit, omnipotens,*  
 « *quæque unoquoque momento temporis, et in quo-*  
 « *libet loco intercedentem nihil inter et esse infini-*  
 « *tam distantiam superare queat* ».

36 Promulgatâ affixâque ut moris erat hac sanctione, ita prosecutus est Ponens: « Nonnullæ etiam  
 « decidendæ quæstiones supersunt, quarum declara-  
 « tio ad generalem hominis intelligentiam aut ad na-  
 « turalis rationis lumen proprio iure pertinent. Qua  
 « de causâ per plures aliquot dies continentur oportet  
 « quæ in variis philosophorum scholis de ob-  
 « scuris illis quæstionibus versari aut discuti solent,  
 « quæ rationalis naturæ, aut naturalis rationis lumi-  
 « nis *mysteria* iure meritò vocari possunt. Maximè  
 « verò hæc duo discutienda occurrunt: Et primò  
 « quidem, utrum hominis animus vi propriæ suæ  
 « naturæ, aut naturalis alicuius inclinationis impul-

« su cum ipsius corpore coniungatur ; an verò spi-  
 « ritus sit qui in corpus , tamquam reus in carcerem  
 « detrusus , admissi prius sceleris pœnas luat ; an  
 « tamquam navis gubernator ad clavum sedens ,  
 « baiulive in gigantum simulacris eadem gestaturi  
 « latitantes. Deinde verò utrùm corporeorum sen-  
 « suum usus aliquam animo exhibere possit com-  
 « modam iucundamque exercitationem, qua hominis  
 « beatitudo aut felicitas tam modò dum inter vivos  
 « agit, quàm in eo vitæ genere quod mortem con-  
 « sequitur, augeatur ».

37 Atque his quidem conventui illi finis imposi-  
 tus. Procuratores verò variis in scriptis quæ in thro-  
 ni gradibus extabant diversas indicatas à Relatore  
 invenerunt philosophicas quæstiones, in quibus  
 discutiendis diem tererent, inque iis præcipue quæ  
 in entis finiti et Infiniti, spiritûs et corporis diffe-  
 rentiis versantur; et in naturali veroque discrimine  
 quo tres spirituales naturæ, *Deus* videlicet, *angeli*  
 aut genii, et *humanus animus* à se invicem neces-  
 sariò distinguuntur. In quodam verò ex iis scriptis  
 hæc legebantur : « *Deus est intelligentia cuius na-*  
*tura aut esse, et existentia et potestate et libertate*  
*est necessariò infinitum* ; quo fit ut quæcumque in-  
 telligentia Deus non sit, ex suæ ipsius naturæ ne-  
 cessitate finita aut suis limitibus circumscripta esse  
 debeat. Deus infinità suà naturà omni prorsus ra-  
 tione immutabilis est ; cùm sua ipsius infinitas in  
 causà sit, cur nihil nec quoad res aut substantias,  
 nec quoad modos aut accidentia, nec quoad tempus



aut perennitatem, nec quoad locum aut tempus, nec quoad locum aut sp̄atium ex illo adimi, nec eidem possit accedere. Genii aut *Angeli* suâ naturâ spiritus sine corpore sunt; quo fit ut cùm locum non occupent ratione suæ naturæ, non mutationis capaces sint quantum ad locum; contrà verò mutationi obnoxii sint quantum ad tempus, cùm diversis temporibus existant, quin necessariò existere per omnia temporum intervalla debuerint. Itaque Deus aut Intelligentia quæ ex suâ ipsius naturâ est, nunquamque potuit non esse existens, infinita et immutabilis, dum et immota et immutabilis in se ipsâ consistens omnes perficit motus aut immutationes, quæ rebus corporeis duobusque creatorum spirituum generibus, quantum ad esse, tempus spatiumque contingunt; continuos ex non esse ad esse, et ex esse ad non esse transitus efficit, quos universitatis rerum, aut totius, aut partium singularum optimus ordo postulare videatur ».

38 Non sine maximâ quidem occupatione et iucunditate diem illum exegerunt procuratores, dum varias vetustiorum scholarum opiniones, inventa et progressus cum iis quæ super indicatis à Relatore quæstionibus ab scholis recentioribus exhibentur, compararent. Quidam citatus fuit ex iis in quibus rectæ naturalis rationis lumen clarius splendescere visum est romanus philosophus; qui id in suis consignatum reliquit scriptis, neminem scilicet agrotum quidquam de naturâ Deorum somniasse tam infandum aut tam absurdum, quod non ali-

quis dixisset philosophorum. Cum verò vetustiores et græci et romani adversus recentiores materialismi et atheismi scholas vehementiùs invcherentur, id nempè contendentes ipsas, licèt maiori luminum copiâ deceptionumque experientiâ quibus invenire possent veritatem instructas, in monstruosiora tamen præ antiquioribus aberrasse deliramenta; nimio abripi se æstu sinebant, incandescabantque ipsorum animi: ulteriùsque progressi fuissent, nisi se coram ipsis stitisset peritissimus quidam mathematicus, qui eisdem diversa proferens ex recentissimis microscopia et telescopia, vetustiores omnes philosophos inopinâ iucundâque novitate occupavit, dum ignotum mundum qui eorum oculis elucebat stupore correpti mirarentur. Collata modò fuit telescopii vis cum microscopii efficacitate; quorum ope in optimo ordine quo naturæ Auctor tam maxima quàm minima quæque in immensâ universarum rerum naturalium vastitate constituit atque conservat, INFINITA eiusdem SAPIENTIA ipsis mirabiliter demonstrata apparuit.

Tunc verò ex ægyptiis philosophis quidam, qui maximam vitæ suæ partem in alto puteo demersus egerat, astrorum cursum per imminensem capiti suo cœli partem transeuntium meliùs cogniturus; horribili voce, tantâque securitatis spe quasi mathematicæ alicuius demonstrationis inventum afferret, ita sermonem instituit: « Nullâ prorsus ratione  
« se se à veræ amentię notâ purgare valent ii qui post  
« recentiora ista inventa nullam aliam præter homi-

• nis intelligentiam, nullamque aliam DIVINITATEM  
 • in mundo esse contendunt præter infinitam genio-  
 • rum aut humanorum animorum seriem: qui quidem,  
 • sibi invicem succedentes, id quod DIVINITATEM aut  
 • Deum æternum appellare consuevimus, et infini-  
 • tã ad cognoscendum et ordinandum intelligentiã,  
 • atque ad agendum vi, efficacitate et potestate vi-  
 • gentem, efficiant. Vix finem dicendi fecit, subito  
 communis ex alterâ parte plaudentium, ex alterâ  
 verò improbantium insonuit clamor. Verùm id  
 percommodè accidit ut iam ad mediam noctem  
 ventum esset: tumque ignea illuxit columna, qua  
 in suo throno magnus *Genius*, Relator in illius  
 gradibus, universusque cœtus, facto silentio, se se  
 conspicuos præbuerunt.

---

39 *Quinta nox.* Silentium primus rupit venerabilis  
 Senior præses, meritis laudibus zelum effereus pris-  
 corum philosophorum qui recentiorum impieta-  
 tem et atheismum improbaturi insurrexerunt. Ve-  
 rùm hæc addidit verba: « Attamen vos, inquit, præ-  
 • monitos velim, ad veram nempe Divinitatem aut  
 • verum Deum in individuã suã naturã agnoscen-  
 • dum nullo prorsus opus fuisse nec microscopio-  
 • rum nec telescopiorum auxilio. Si unam dumtaxat  
 • glandem penitus inspiciamus, eandemque cum  
 • quercu ex qua decidit, et cum infinito quercuum et  
 • glandium quæ ex iis oriri possunt, numero com-  
 • paremus, hæc quidem investigatio et comparatio  
 • satis superque erit ut recta ratio uno tantum lu-

« mine naturali instructa evidenter agnoscat, *Ens*  
 « illud, quod in glande punctum quoddam tantâ præ-  
 « ditum efficacitate constituit ut vim istam incredi-  
 « bilem in tam vasto et temporum et locorum spatio  
 « explicaret, illud ipsum esse *Ens* necessariò existens,  
 « et intelligentiâ et potestate nullis limitibus defini-  
 « tâ plenissimum : quibus unicus est Effector qui  
 « omnia, quibuscumque temporibus, quibuscum-  
 « que in locis, in omnibus infinitis seriebus in ge-  
 « nera aut in individua corpora infinitè divisibili-  
 « bus, in proprio ipsarum rerum esse, duratione,  
 « et loco in quo consistunt, creat aut efficit : quin  
 « aliquid sit ex iis quod actu *infinitum* vocari queat,  
 « cùm tamen infinita sit incrementorum imminutio-  
 « nunque series, quorum capaces sunt omnes series  
 « numericæ aut continuæ *entium* quantitates, quas  
 « *ENS* unicum, æternum, immutabile, et primus Ef-  
 « fector aut verus Creator è nihilo potest educere.

40 « Attenta consideratio infinitæ distantiae quæ  
 « inter *esse* Dei creatoris et *esse* creaturarum, et  
 « inter humani animi naturam et belluarum ani-  
 « mas, aliarumque causarum corporearum à qui-  
 « bus quamplurima effecta aut motus perficiuntur,  
 « naturas interiacet; homini ratione utenti sufficit  
 « ut primam præcipuamque naturalis philosophiæ,  
 « aut investigationis naturalium causarum, veritatem  
 « agnoscat : quæ quidem in eo consistit quòd uni-  
 « ca vera causa efficiens aut quæ universa perficit,  
 « *PRIMA CAUSA* sit aut Deus effector; cuius in ma-  
 « nu creaturæ quæ *causæ secundæ* vocari solent,

« totidem sunt instrumenta quibus ad aliarum pro-  
 « ductionem utitur; quamdam ipsis virtutem indens,  
 « efficacitatem aut vim, qua, prout CAUSA PRIMA  
 « universali impulsione suâ disposuerit aut sanxerit,  
 « ad illarum etiam procreationem, conservationem,  
 « motum, perfectionemve concurrunt.

« (O) vos philosophorum scholæ, nationes, im-  
 « peria, republicæ et omnium seculorum univer-  
 « sique terrarum orbis religiosi cultus; vosque etiam  
 « singulæ philosophorum aut sapientum virorum,  
 « politicorum aut civilium regiminum, vel religionis  
 « aut Divini cultus societates; et vos denique sin-  
 « guli earum societatum homines sive magistri sitis  
 « an discipuli, subditi an imperantes, sacerdotes  
 « an simplices fideles, omnes vos id certissimum  
 « habeatis oportet, Exs nempe æternum, omnipo-  
 « tens, infinitum, rerum omnium effectorem con-  
 « servatoremque, non ideò hominem intelligentiâ  
 « belluarum instinctui præcellente, cum rerum na-  
 « turalium cognitione coniunctâ ornasce, ut quid  
 « Divina Bonitas atque Omnipotentia præstare va-  
 « leant, nec quid ipsius Iustitiæ congruere videatur,  
 « nec qua ratione imperare hominibus debeat, cu-  
 « riosâ vanitate perscrutaremur. Nam certissimè rec-  
 « tâ ratione docemur, in rerum naturalium cursu  
 « sine intermissione innumera exhiberi nobis admi-  
 « nicula, quibus infinitam Dei potentiam eiusdem-  
 « que erga nos bonitatem agnoscamus, simulque  
 « ingentem luminum et impulsioneum copiam, qui-  
 « bus ad Dei cognitionem amoremque illustretur



« mens nostra et dirigatur voluntas ; quin et eodem  
 « tempore, quas nobis ope sensuum comparamus  
 « notiones, omnesque nostri corporis naturales  
 « impulsus, cupiditates aut propensiones in id  
 « ut magis magisque Dei cultui adorationi atque  
 « servitio navemus operam, conferendas sciamus.

41 « Hac generali philosophiæ notione, aut co-  
 gnitione causarum multarumque consecutionum  
 « quæ obviam nobis fiunt ex illâ derivatæ, evidenti  
 « demonstratione conficiuntur nonnullæ præviæ san-  
 « ctiones quas iam iam affixurus sum, anteaquam  
 « ad controversiam de arbitrariâ sententiâ, cuius  
 « desiderio in hunc famosarum ruinarum locum  
 « convenistis discutiendam progrediamur ». Deinde  
 verò ad Relatorem conversus *Genius* thronum oc-  
 cupans, hæc addidit : *Scribe* : — QUINTA SANCTIO :  
*Hominis animus ratione naturæ quam ipsi indidit*  
*effector Omnipotens, corpori copulatus adharet ;*  
*quo fit ut animus naturali suâ propensione versus*  
*corpus feratur, inque huiusmodi copulatione ipsius*  
*status naturalis consistat. Veruntamen cum animus*  
*spiritus sit, eâ niget etiam efficacitate atque vir-*  
*tute qua seipsum conservet, et solus sine corpore*  
*perseveret ; et eas præterea quas sibi prius ope sen-*  
*suum comparaverat notiones retineat : eas enim in*  
*seipso aut in intellectus sui memoriâ servat ideas*  
*aut rerum similitudines, quæ illarum, quas olim*  
*in sensuum reminiscentiâ aut memoriâ conspexerat,*  
*totidem sint exemplaria aut imagines et quidem*  
*perfectiores, illæ verò præcipuè quas propriâ suâ*

efficacitate suisque viribus sibi cudit ipsa rationalis intelligentia, quo in numero recensentur abstractio, comparatio, coniunctio et illatio.

42. SEXTA SANCTIO: Dum animus cum corpore coniunctus persistit, sensuum istius usus aut exercitatio quamdam exhibet humanæ intelligentiæ occupationem, quæ et maximè naturalis semper est, et uniti cum corpore spiritus naturæ apprimè consentanea; quæque modò iucunda atque suavis, modò verò doloris afflictionisque plena existit. Quotiescumque verò iucunda affectio sit, bona; mala verò cum iniucunda fuerit vocari solet: verùm affectionum aut sensationum et bonitas et malitia fustius datâ operâ ostendantur necesse est.

43. SÉPTIMA SANCTIO: Cum humanus animus corpori copulatus adhæret, violentissimas in istius sensibus membrisque cæteris affectiones nunc à GENERALIBUS NATURE CAUSIS, ventis scilicet irruentibus, terræmotibus, alluvionibus et tempestatibus incussas experitur; nunc verò ab aliis, quæ peculiæares sunt et individua, cuiusmodi sunt ingens aliquod saxum super hominem illapsum, tigris illum discerpens, alius homo qui ipsum catenis compedibusque constringat. Huiusmodi sanè generalium particulariumque causarum violentiæ eò usque sæpè feruntur, ut cerebri constitutionem pervertant, qua animus dum corpori coniunctus existit cognoscendi efficacitatem, suæque voluntatis facultatem exercet; idque eâ ratione, ut humana intelligentia, aut humanus animus quo tempore nonnullis utitur crescen-

*di aut vegetandi, sentiendi, vivendique facultatibus, nullam quæ ad vitæ rationalis naturam pertinet adhibere videatur. Quandoque accidit ut dormiens homo auditus tactusque utatur sensibus, cum ipsum à somno excitet ingens strepitus aut cauterium, quin tamen aliquid aut agnoscat aut velit aut affirmet aut neget aut amet aut aversetur. Ita quidem contingit aut in profundo somno aut universali stupore, qui è variis ægritudinibus causisve naturalibus consequuntur. Quandoque animus et cognoscit et vult; veruntamen propter sensuum perversionem nec res cognitæ inter se conferre potest, nec quæ eisdem insint bonas malasque qualitates mente evolvere; et ut uno complectar verbo, nullum prorsus eorum actuum quibus perficitur DELIBERATIO edere potest.*

44 OCTAVA SANCTIO : Sæpissimè animus in suorum sensuum exercitatione variisque cæterorum artuum corporis usibus, vero utitur libero arbitrio aut verà physicâ libertate; ut cum aperit oculos, brachium attollit, aliquos passus conficit, huc illuc oculos vertit prout et quando voluerit, et forsàn eâ tantùm de causâ quòd ita ipse voluerit : atque id quidem est physicâ, reali aut verâ quam dicunt libertate agere. Istâ profectò utitur semper in propriis rationalis aut deliberantis suæ voluntatis actibus. Nam dummodò ita rectè se habeat cerebri vel capitis constitutio, ut propriis rationalis animi effacitatibus, facultatibus aut viribus uti possit, quamvis cum corpore cuius societatem naturali im-

pulsu appetit coniunctus sit, nulla est nec exterior, nec interior ipsius corporis vis, nulla violentia quæ voluntatem ad amandam aut aversandam rem aliquam designatam, nec ad amandum quod amare, nec ad id quod aversari noluerit aversandum cogere valeat. Cum intellectus aut bonum infinitum quod evidenter agnoverit, aut universale bonum aut bonum generatim voluntati proponit, hæc ad illud amplexandum necessitate constringitur; eâ ferè ratione qua oculi eos qui sibi obiciuntur colores sufficienti luce perfusos intueri necessario coguntur; omnis enim naturalis potentia in persequendo proprio sibi sine naturam ducem necessitate compulsa sequitur. Verum quemadmodum voluntas physicè aut suâ naturâ ad non intuentes eos colores, quos ante oculos fulgente luce positos habet, libera est; cum scilicet oculos occludere possit, aut eos aliò ubi non adest id quod intueri recusat convertere; ita etiam quandocumque et prout sibi placuerit, quodcumque particulare aut designatum bonum amare desinit, quotiescumque ex huiusmodi bono ad aliud sibi propositum, licèt istud efflictum dumtaxat aut lubricum fortasse fuerit, intellectum transferre potest. Adeoque physicâ, verâ et naturali ad Deum, infinitum scilicet bonum, non diligendum libertate prædita est; dum nempe non cum ut in seipso est clarè agnoscit: tunc enim suum intellectum avertere à Dei contemplatione potest, illumque in ea quæ insunt creaturis finita et serpiissimè falsa aut inania bona revocare. In summâ: Hominis animus aut humana

intelligentia suâ ipsius naturâ in omni deliberationis genere LIBERA NECESSARIÒ EST.

45 NONA SANCTIO: *Ex physicâ humani animi libertate suam ducunt originem, moralia ipsius officia: homo enim rationalis suæ naturæ vi, suam ipsius voluntatem ad rectæ rationis normam ita debet exigere, ut ad agendum quod fieri ratione iubetur, modò id præstare potuerit; atque ad omitendum quod ipsa recta ratio prohibeat aut non faciendum præcipiat, dummodò abstinere ab eo potuerit, teneatur. Quamobrem filius manibus pedibusque constrictus aut detentus carcere, cum ad præstandum id quod sibi à patre imperetur physicâ libertate careat, nullâ sæpè ad obtemperandum lege compellitur.*

46 DÉCIMA SANCTIO: *Ex humani animi physicâ libertate officiisque moralibus illud futurum esse consequitur, ut ipsius actiones aut bonæ sint aut malæ, morali nempe bonitate aut malitiâ: eò quòd animum ad obtinendum constitutum sibi à naturâ suâ finem disponant, tuncque bonæ quidem; aut ad illud impediendum, tuncque malæ vocari solent.*

47 UNDÉCIMA SANCTIO: *Cùm Deus homini animum physicâ libertate præditum, moralibusque officiis subiectum condiderit, illum eâ de causâ ad præmium aut supplicium promerendum idoneum expeditumque effecit. Cumque ille ipsa sit Bonitas et Iustitia, fieri nullatenus potest quin et præmio bona opera, mala verò supplicio pro ipsorum bonitate aut malitiâ prosequatur. Ex qua quidem evidenti*



veritate, nonnullæ aliæ consequuntur perspicuè demonstratæ, quas præ oculis haberi oportet. Atque ut hoc utar exemplo: Nefas est cogitare DEUM, seu infiniti effectoris conditorisque Providentiam, neque bonas malasque hominum actiones peculiares, neque humanorum animorum singulare meritum aut indignitatem considerare. Perspicuum enim est humanos omnes animos, qui è nihilo emergerint emergentive, atque in existentium rerum universitate, alicui corpori copulati consistent, finem sibi à naturâ propositum nisi id DEUS iustâ de causâ vetuerit, consecuturos. Maximè verò novit humana intelligentia, DEUM cum æquâ ratione infinitæ sint ipsius et misericordia et iustitia, maiorem tamen erga humanos animos misericordiam ipsos è nihilo educendo explicuisse: poterat enim eos absque ullo misericordiæ et iustitiæ suæ detrimento in statu, ut aiunt, relinquere meræ possibilitatis. Atque hinc recta hominis ratio conficit, DEUM bonos quos condidit condetque animos amplioribus quàm pro meritis cumulaturum præmiis; ipsorum verò nullum pro debitâ severitate puniturum, plurimis autem veniam concessurum, aut perinde acturum esse cum illis quasi in re nullâ peccassent ex iis quæ lege naturali aut rectâ ratione præceperit.

48 DEODÉCIMA SANCTIO: Recta naturalis ratio, legitimâ iudicis auctoritate junctura, in re suæ propriæ iurisdictionis declarat: Hominis animum, præter huiusce præsentis vitæ statum in quo corpori quod humanum appellamus copulatus existit, iam an-

tea vivere debuisse aut in alio deinde perstiturum statu, in quo beatitate aut fine ad quem ipsum ducit aut præparat natura, qua istam condendo aut è nihilo educendo illum Deus donaverat, perfruatur; ac præterea, consentanea iis quæ in mortali hac vitâ benè vel malè gesserit, aut præmia recipiat aut supplicia. Utrùm verò huiusmodi status hanc vitam antecesserit, an consequatur; utrùm cum corpore coniunctus, an ab istâ coniunctione secretus victurus sit; utrùm cum hoc eodem corpore redivivo perseveraturus, an ex aliis ad alia diversorum hominum seu generum animantium corpora migraturus; hæc et alia sexcenta huiusmodi de quibus dubitatur, eadem naturalis ratio ab omnipotenti ENTIS illius ex se se conditoris, qui è nihilo naturas omnes educit, libertate repetendas esse declarat. Neque verò contraria alicui naturæ aut violenta, immò potiùs non nisi maximè naturalis esse potest ea propensio, quam eidem ipsam è nihilo eliciendo Omnipotens Deus ingessit. Nam perspicuum est nec inter substantias aut naturas quarumcumque creaturarum, nec inter corporum spirituumque vires aut efficacitates, actiones aut motus ullum posse discrimen, distantiam aut oppositionem ullam intercedere, quæ cum infinitâ inter esse et non esse distantiam conferri valeat; inter nihil inquam et rem existentem, quæcumque demum sit ex hisce tribus rebus in qua existit, realitate scilicet tempore et spatio: infinita enim reperitur distantia, ideòque ab infinitâ vi aut potentiâ tantummodò superanda.

Huc usque, istarum *Meditationum* illustrissimus auctor; qui eas perficere morte præveniente non potuit.

49 Et ita quidem catholicus piusque scriptor, luminis naturalis veritates præcipuas et quæ ex iis invictâ ratiocinatione derivantur consecutiones, deliramentis obiiciebat quibus philosophus Volneius inani quodam falsæ eruditionis apparatu, tum fucatis ementitisque eloquentiæ coloribus, sed nullis principiis, nullâ argumentatione, nullo exemplo, nullâ auctoritate, nullâ probabili ratione religionem ipsam naturalem, præcipuè verò christianam catholicam evertere contendebat. Nimirùm reiectis pseudo-philosophus iste omnibus dialecticæ regulis, omnique investigandæ et ostendendæ veritatis studio, duo sibi animo finxerat tanquam certa principia, quæ totidem essent impii sui commenti veluti fulcra: *nullum scilicet DEUM existere, aut PRIMAM CAUSAM intelligentem* quæ mirabilem hanc rerum universitatem condiderit, hominique leges et moralia officia propositis præmiis suppliciisque iniunxerit; deinde verò *humanos animos resolutâ corporis compage perire*, nihilque prorsus ex toto homine ad præmia vel supplicia recipienda post obitum superesse.

50 Quæ quidem duo principia eò firmiùs stabiliri et evidentiùs demonstrari oportuisset, quò certior ab omnibus omninò populis à primævâ mundi origine habita fuit de *primæ causæ* DIVINITATE, deque *animi humani* IMMORTALITATE sententia: maximè verò cum ad sanctissimam IESU-CHRISTI Ecclesiam

amplissimum aperiant aditum naturales illæ duæ veritates, quibus asseverat Apostolus *oportere accedentem ad Deum credere* QUIA EST, *et quia inquerentibus se* REMUNERATOR SIT; quasque magnificis hisce carminibus complexus est Cardinalis Polignachius in suo *Anti-lucretio*:

*Quapropter geminis Religio nostra columnis  
Ntitur; esse Deum iusti verique tenacem,  
Esse animos nullo perituros temporis ævo.*

51 Has itaque duas veritates et invictâ ratione demonstravit et inconcussè stabilivit catholicus scriptor; easdemque contrariis obiecit principiis quæ, licèt falsissima semper et à communi omnium sensu aliena habita fuerint, à Volneio tamen posita sunt tanquam unica impii sui operis fundamenta. Quod quidem ut firmâ ratione consisteret, quatuor hæc incredulus philosophus evidenter ostendere debuisset: 1<sup>o</sup> non existere scilicet Deum: 2<sup>o</sup> humanos animos unâ cum corporis morte resolvi: 3<sup>o</sup> mirabilem hanc mundi fabricam aut à totâ æternitate extitisse, aut à cæco materieî conflictu nullâ ordinante causâ exortam: 4<sup>o</sup> hominis demùm intelligentiam à solâ corporis ipsius constitutione repetendam. Cùm verò nihil horum Volneius præstiterit, immò nec præstare potuerit; (quomodò enim, ut cætera præmittam, mundum ex se se æternum esse aut ex æternâ materiâ nullâ causâ efficiente erupisse demonstraret?) totum illud adversùs omnem Divini-

ratis cultum ædificium vel minimâ qualibet impulsione corruat, et inter absurdiora philosophorum deliramenta aut ægrotæ mentis somnia relegetur necesse est.

52 Quamobrem cum ex falsis incertisve principiis non nisi falsæ incertæque consecutiones oriri possint, nihil quod ad veritatem accedere videatur in toto illo commento reperire fas est; sed indigestam quamdam notionum ex historiâ, ex mythologiâ, ex astronomiâ, et ex absurdioribus populorum doctrinis mutuata congeriem, eo perverso fine omnibus Divinitatis cultoribus exhibitam, ut christiana Religio maiori quàm absurdissimæ quæque superstitiones ludibrio despectionique subiceretur. Itaque impiam Dupuissii *De origine cultuum* doctrinam seu potius fabulam adoptavit; qua sicut ridiculam ægyptiorum superstitionem ex naturæ effectibus, ex astronomorum observationibus, ex signorum zodiaci cum agricolarum pastorumque laboribus concursu, ex ipsorum orta et occasu atque nominibus, ex annuâ demum per zodiacum Solis conversione derivavit; sic et Divinæ Iesu-Christi Religioni eandem assignavit originem. Ita ut Christus Dominus, cuius gesta, doctrina, portenta, crucifixio, mors, discipuli non Iudæam tantum sed universum terrarum orbem Nominis ipsius gloriâ repleverunt, nihil sit aliud, Volnei sententiâ, quàm Sol duodecim zodiaci signa per totidem anni menses percurrentes; ipsius verò ab ortu usque ad suam in cælos ascensionem mysteria, tantummodò sint



eiusdem Solis per eum cœlestem circulum conversiones.

53 Atque ut nihil infandum relinquat quod in ægroti hominis deliramenta cadere possit, sanctissimam IESU-CHRISTI Matrem, signum virginis in zodiaco, duodecim verò Apostolos quos universum orbem peragrasse et Divini Magistri sui doctrinam prædicasse et particulares ecclesias condidisse et eas promulgatamque Evangelii veritatem sanguine suo signasse et scimus et omnes ferè nationes testamur; non veros homines fuisse asseverat, sed totidem tantùm mutuata è duodecim zodiaci signis vocabula. Ita cùm IESU-CHRISTI ortus, gesta atque doctrina, cùm Apostolorum per omnes ferè terræ nationes peragratio atque martyria, cùm totius Romani Imperii et remotissimarum gentium ad christianam religionem conversio, cùm Evangelii de coniuratis huius mundi potestatibus, de vanâ superbâque philosophorum sapientiâ, de violentissimis humani cordis affectionibus reportatus triumphus gesta magna sint, quorum strepitus non aures tantùm pervasit hominum, sed potentissima etiam tremefecit Imperia; vix fieri potuisse creditur eò furoris atque dementiæ adductum fuisse Volneium, ut contra tot tantorumque monumentorum lumen et contra clarissimorum etiam inter paganos historicorum fidem, earum rerum veritatem ad meras allegorias detorqueret, quibus nulla res alia causam præbuerit præter Solis cœlestiumque signorum per zodiacum conversionem, et ex eâ

derivatas fabulas mythicasque populorum traditiones.

54 Hac verò nostrâ tempestate, cùm et ars critica et quas *exactas* appellant scientiæ tantâ animorum contentione excoluntur, ut ad certitudinis et veritatis iura iis omnibus intercludatur aditus quæ non mathematicæ demonstrationis insigne præ se ferunt; eò mirabilius videri debet Volneium nullâ in re tanti momenti adhibitâ ratione pro verâ genuinâque *Ecclesiæ Catholicæ* imagine, Horatianum monstrum illud, ex diversorum animalium diversis membris nullo consensu, nullâ verisimilitudine secum invicem iunctis malè coagmentatum, spectatorum risui obiecisce. In quo sanè idem se se potius irridendum exhibuit, qui tam cœleste Divinumque spectaculum in-absurdam et incredibilem fabulam ementitis coloribus contra omnem veritatis fidem traduxerit.

55 Falso huic turpique *Ecclesiæ IESU-CHRISTI* simulachro, eiusdem *Ichnographiam* ex adverso obii-ciendam sibi proposuit catholicus scriptor: veram scilicet *Ecclesiæ IESU-CHRISTI* imaginem, quæ immortali Divini sui conditoris splendore, gloriâ et maiestate refulgens, non modò tota vera, tota pulcherrima, tota cœlestis mortalium omnium oculis appareret; sed tenebrosum etiam Volneii commentum infinitâ sui luminis claritate dissiparet. Et iam huic opusculo extremam imposuerat manum, cùm se se propositum sibi finem cumulatius assecuturum esse iudicavit, si nonnulla præmitteret MEDITA-

TIONUM titulo, quæ Volnei *Meditationi* aut eiusdem *de Palmyræ ruinis* somnio ex adverso opponeret: quibus nempe universo populorum sectarumque omnium cœtui expositis præcipua consignaret stabiliretque *naturalis rationis principia*, inane impii philosophi commentum invictâ ratiocinatione deliceret, ipsumque naturale lumen quasi facem attolleret, qua omnes omnium superstitionum sectatores ad revelatæ christianæ Religionis veritatem agnoscendam amplexandamque revocaret.

56 Quare hanc quidem naturalium veritatum demonstrationem seu *Meditationem* primam esse voluit totius operis partem, quæ ad secundam et præcipuam, ad *Ichnographiam* nempe, seu veram nativisque suis coloribus adumbratam Ecclesiæ Iesu-CHRISTI imaginem, viam sterneret, atque amplissimum ad ipsam aditum populorum omnium cœtui reseraret. Quin et detergis iis quibus pseudo-philosophus ille et lumen naturale et ipsam Ecclesiam fœdavit coloribus, declaratâ etiam superstitionum in quo omnes ferè populi aberrarunt absurditate, istorum considerationi et examini *Ichnographiam* subiecisset, in qua totum Ecclesiæ Iesu-CHRISTI ædificium, singulas ipsius partes, exactam ad unguem earum compagem, consensum atque concentum ad trutinam revocarent, deque cœlesti ipsius prototypo sententiam ferrent. Neque verò fieri potuisse arbitrabatur pius auctor quin populi omnes aut ipsorum procuratores densissimas quibus immersi iacebant tenebras, cum naturalis rationis lumine,

deinde verò cum cœlesti Ecclesiæ IESU-CHRISTI splendore, gloriâ et immortalitate conferentes, Divinam ipsius originem et veritatem agnoscerent, proclamarent, amplecterentur.

57 Sed heu! Vix primas de Dei existentia, deque immortalitate animorum veritates earumque consecutiones, in eo sectarum omnium cœtu exhibuerat evidentissimâque ratione declararat, et fundamenta simul everterat quibus innititur impium Volneii commentum; assiduus fractus laboribus, ingravescente ætate, lethali etiam morbo ex quodam animi angore orto correptus, occubuit. Quamvis igitur hæc de causis primam hanc partem absolvere non ante obitum potuit; veruntamen id fortè paululum antea providens suam in *Epistola nonâ et ultimâ ad Irenicum* n. 26 et 27 voluntatem declaraverat, idque muneris dilectissimo suo iniunxerat *Irenico*, ut quocumque in statu hasce *de Palmyrenis ruinis Meditationes* relinqui accidisset, IESU-CHRISTI *Ecclesiæ Ichnographiæ* adiungerentur. Quare ut piis Auctoris votis heri satis possit, prima operis pars quamvis mutila aut manca simul cum *Ichnographia* in lucem edatur necesse est. Verum id percommodè accidit ut quæ præcipua adversus Volneium ceterosque incredulos philosophos in *primâ* hac parte demonstrare non licuit naturalis rationis dogmata, eadem ex *Roselli Ethicâ* et *Metaphysicâ* mutuata ad *Ichnographiæ* calcem inveniantur.

58 Auctoris autem mira et christiana *humilitas*,



ardensque *veritatis amor*, quæ quidem in singulis suorum operum paginis vivide splendent, novissimè ad istius opusculi marginem, iterum propriâ suâ manu, duobus ante obitum mensibus, consignata inveniuntur; et quidem postquam sæpè sæpius suo à secretis confessionibus pio gravique sacerdoti vehemens ingenitumque animi sui desiderium, in suis scriptis iam pridem expositum, ostendisset, ut à quovis etiam particulari, multòque magis à totius Ecclesiæ Catholicæ Romano Capite, sicut iteratò expoposcerat, quæcumque operum suorum vel minima etiam *propositio* aut simplex *verbum* sibi indicarentur quæ catholicæ fidei minùs consentanea fortè apparerent. Hæc verò sunt auctoris verba latine reddita: » Christiani longævæ ætatis philoso-  
 « phi qui inter famosas Palmyrenæ civitatis ruinas  
 « ceu incola viginti abhinc annis considerari po-  
 « test, MEDITATIONES istæ sunt; in quibus ad exac-  
 « tam rectæ rationis normam aliæ pseudo-philoso-  
 « phi *Meditationes* seu potius deliramenta perpen-  
 « duntur. Atque sat quidem erit naturale humanæ  
 « rationis lumen unà cum Divinæ revelationis radiis  
 « quasi in foco speculi ustoriû positis, Volneû deli-  
 « ramenti oblicere, ut statim horum fatui fugacis-  
 « que splendoris flamma prorsus evanescere videat-  
 « tur. Paucissima verò tantum huius nostri opusculi  
 « typis nunc edere oportet exemplaria: ut ita recep-  
 « tis postea undique amicorum inimicorumque de  
 « eodem et de *Ichnographiâ ipsâ* iudiciis, observa-



« tionibus, contradictionibusve, in lucem iterum  
 « prodire possint tam *Meditationes* quàm *Ichnogra-*  
 « *phia*; distinctiùs exactiùsve expositis si quæ lec-  
 « toribus obscura appareant, emendatis quæ forte  
 « vera non sint, demptis aut additis quæ supervaca-  
 « nea aut deficientia inveniantur. Atque ita fiet ut  
 « semper id quod magis perspicuum, simplex et na-  
 « turale sese offerat, omnibus iis quæ coacta, nebulo-  
 « sa, falsa aut peregrina appareant, à nobis præfera-  
 « tur: uti prudens sapiensque antistes Ill. Frayssinons  
 « in suâ ad universos Parisiensis Academiae profes-  
 « sores *Allocutione* die 16 Augusti istius anni 1824  
 « habitâ, vehementer hortabatur; sicut videre est in  
 « Matritensi ephemeride, vulgò *Gaceta*, sub die  
 « 29 eiusdem mensis et anni.

59 Quod verò ad ipsam spectat *Ichnographiam*,  
 animadvertatur oportet catholicum scriptorem cum  
 fidei in perturbatis Americae regionibus integritati  
 consulere sibi in animum induxisset, et etiam hæ-  
 terodoxorum oculis offerre spectaculum quod eo-  
 rum animos ad considerandum Divinæ Ecclesiæ  
 Iesu-Christi ædificium pertraheret, operæ pretium  
 facturum se esse existimasse si nonnullis scholæ  
 præiudiciis indulgens, ut insigniores Ecclesiæ apo-  
 logistæ præstare solent cum ex iis nullum detrimen-  
 tum capere possit catholica veritas, iis immortalis  
 Bossueti, Cardinalis Bausseti aliorumque catholico-  
 rum Doctorum et doctrinis et opinionibus aliquan-  
 do sed rariùs uteretur, quæ licet non communiore

theologorum et canonistarum plausu acceptæ videantur, ex iis tamen opportuniora arma depromi posse iudicavit, quibus et Volneius et cæteri totius Catholice religionis infensissimi hostes prosternerentur.



+ colorchecker classic

calibrite



mm